



1587  
88




60 Ha.

F. E. Hart  
mann









S

Oe

Jo



*Joh. Ludovicus Hurstmann D. Just. a. Tit.*  
SYNOPSIS  
THEOLOGICÆ

*Exhibens*

Oeconomiam singulorum locorum  
communium theologi-  
corum:

*Studio*


JOHANNIS-HENRICI ALSTEDII.



HANOVIAE,  
Impensis Conradi Eyfridi,

MDCXXVII.

*1/27*



Handwritten text in a cursive script, possibly a signature or initials, located at the bottom center of the page. The text is faint and difficult to decipher but appears to consist of several characters and a dash.





LECTORIBENE-  
VOLO S.D.



Venadmedum aedes tum  
demum satis instructa est,  
cum in suas omnes cōtigna-  
tiones & conclauia ad ne-  
cessarios vsus est distincta:  
sic disciplina tum demum habet laudem  
& vsum, quando generalissima siue sum-  
ma, intermedia siue subalterna, & infima  
seu specialissima ipsius praecepta ritè sunt  
disposita. Id verò praestat lumen methodi.  
Quare nolui cōmittere, vt definitionibus,  
regulis, distinctionibus & questionibus  
theologicis deesset hac fax. Illam itaq; tibi  
praefero, non vt dux, sed vt comes vetera-  
nus. Tuum est, hoc de te benemerendi stu-  
dium grato accipere animo, & hac me-  
thodo diaretica non solum vti tanquam  
praesentissimo memoriae subsidio, sed etiam  
illam habere pro instrumento explicatio-  
nis

nis & amplificationis certissimo. Infelices enim sunt magistri, addo & infructuosi, qui generalia perpetuis sermonibus volventes, non explicant & diducunt singula, & alias ad alias partes adiungunt atque comparant. Hanc utilitatem vbere proventu hauries ex hoc libello, quem non absq<sup>3</sup> cura sic adornavimus.

NB. Numeri minusculi præscripti vocabulis diuerso typi genere excusis indicant titulos cuiusque loci communis.



# METHODVS,

*Sive,*

## CATENA

*Locorum hic traditorum methodo  
diaretica.*

**T**heologiae occurrit praecognitio, & cognitio.

Præcognitio est quantū ad theologiae naturam, *loc. 1.* & studium, *loc. 2.*

Cognitio est partim in catechesi, partim in Scriptura Veteris & Novi Testamenti.

Catechesis consideratur in genere, *loc. 3.* & in partibus seu capitibus suis, quæ sunt symbolum apostolicum, *loc. 4.* decalogus, *loc. 5.* oratio Dominica, *loc. 6.* institutio baptismi, *loc. 7.* institutio sacrae cœnæ, *loc. 8.* & formula disciplinae ecclesiasticæ, *loc. 9.* Ex his *alia* formant fidem, vt symbolum: *alia* vitam, vt decalogus: *alia* fidem & vitam simul, vt quatuor reliqua.

Scriptura V. & N. T. consideratur in se, *loc. 10.* & dogmatibus siue partibus suis, quæ sunt numero duæ; vna de Deo, *loc. 11.*

A 3

altera

altera de operibus Dei quæ considerantur  
communiter, *loc. 12.* & singulariter, ut sunt  
ab æterno, vel in tempore.

Opera Dei ab æterno sunt ad intra, vel  
ad extra; & hæc veniunt nomine decreti  
seu consilii; quod consideratur in genere,  
*loc. 13.* vel in specie, ut est prouidentia æter-  
na, *loc. 14.* & prædestinatio, *loc. 15.*

Opera Dei in tempore sunt executio  
decreti Dei, quantum ad prouidentiam &  
prædestinationem.

Executio prouidentia est creatio, *loc. 15.*  
& gubernatio, quæ spectatur communiter,  
*loc. 16.* & singulariter, vti est creaturarum  
non-intelligentium, *loc. 17.* & intelligen-  
tium: eaque tum in genere, *loc. 18.* tum in  
specie angelorum, *loc. 19.* & hominis.

Gubernatio hominis est ante lapsum,  
vel post lapsum.

Ibi occurrit imago Dei, *loc. 20.* & fœdus  
naturæ, *loc. 21.* hic est liberum arbitrium,  
*loc. 22.* peccatum eiusque pœna, *loc. 23.* &  
peccati aliqua repressio per legem, *loc. 24.*  
in coniugio, *loc. 25.* & societate tum politi-  
ca per magistratum, *loc. 26.* tum scholasti-  
ca, per præceptores, *loc. 27.*

Executio prædestinationis fit in hac vi-  
ta, vel post hanc vitam: & illa circa ange-  
los, *loc. 27.* vel homines, eosque electos, vel  
reprobos. Ibi est fœdus gratiæ: hic est vel  
nulla

nulla vocatio, vel aliqua vocatio. Vtraque colligi potest ac debet ex iis, quæ dicuntur de fœdere gratiæ: ita vt non opus sit operosè præcipere de executione prædestinationis circa reprobos.

Fœdus gratiæ spectatur in forma, fundamento, & applicatione sui.

Forma fœderis gratiæ est *loc. 28.*

Fundamentum fœderis gratiæ est Christus mediator, *loc. 29.*

Applicatio fœderis gratiæ. Promulgatur & ob signatur.

Promulgatio fit in Euangelio, *loc. 30. & ecclesia.*

Ecclesia spectatur in se, & oppositè quantum ad hostes.

Ecclesia in se spectatur ratione collectionis, quatenus est ecclesia, *loc. 31.* & gubernationis; quæ est principalis, & ministerialis: & illa rursus est in dispensatione beneficiorum Dei, quorum alia sunt principalia, alia accessoria.

Beneficia Dei principalia sunt prima, vel orta.

Prima sunt vocatio, iustificatio, & sanctificatio.

Vocatio spectatur in se, *loc. 32.* & effectis suis, vt sunt fides, *loc. 33.* & sanctitas. *loc. 34.*

Iustificatio explicatur *loc. 35.*

Sanctificatio spectatur in bonis operibus

communiter, *loc.* 36. vel singulariter, *loc.* 37.

Beneficia orta sunt adoptio, *loc.* 38. libertas Christiana, *loc.* 39. & conseruatio, seu perseuerantia sanctorum, *loc.* 40.

Beneficia accessoria sunt *loc.* 41.

Ecclesiae gubernatio ministerialis est *loc.* 42.

Ecclesiae hostes sunt *loc.* 43.

Obsignatio foederis gratiae fit per sacramenta quae considerantur in genere, *loc.* 44. & in specie: ubi sunt sacramenta V. T. *loc.* 45. & noui, puta baptismus, *loc.* 46. & sacra coena, *loc.* 47.

Executio praedestinationis post hanc vitam spectatur communiter, in ultimo Domini aduentu, *loc.* 48. resurrectione carnis, *loc.* 49. & ultimo iudicio, *loc.* 50. vel singulariter, quantum ad vitam aeternam, *loc.* 51. & mortem aeternam, *loc.* 52.

## LOCVS I.

### De Theologia.

1. **T**heologia habet sua praecognita, & tractationem locorum communiu.

2. Praecognita theologica sunt de ipsius natura & studio.

Natura theologiae cognoscitur ex ipsius definitione & distributione.

3. Definitio haec est: Theologia est rerum diuinarum scientia.

4. Diff.

*Synopsis Theologiae.*

9

4. *Distributio* theologiae est, quod sit vera, vel falsa, quae etiam apparens dicitur, & opinabilis.

5. *Theologia vera* est archetypa in Deo, Patre Filio, & Spiritu sancto: vel ectypa.

6. *Theologia archetypa* attributa, seu proprietates, sunt: esse increatam, infinitam, perfectissimam, incommunicabilem, & sui communicatiuam.

7. *Theologia ectypa* est unionis, visionis, & reuelationis.

8. *Theologia unionis* est in Christo secundum humanam naturam. Itaque in Christo est theologia duplex: vna essentialis, seu archetypa, altera unionis, seu oeconomica.

9. *Theologia visionis* est beatorum angelorum & hominum in caelis. Dicitur etiam theologia beatorum, comprehensorum, excelsa, & ecclesiae triumphantis.

10. *Theologia reuelationis* est hominum in hac vita. Dicitur alias theologia viatorum, viae, nostra, & humilis.

Estque naturalis, vel supernaturalis: prout nempe reuelatio, seu patefactio, est duplex. Confer *Psal. 19.* & *Rom. 1.*

11. *Theologia naturalis* consideratur in Adamo ante lapsum, vel in homine post lapsum: & in hoc rursus, vel ethnico vel in ecclesia Dei versante. Ibi est theologia:

A. 5; natu-

naturalis nuda, hic vestita siue ornata.

12. *Theologia supernaturalis* spectatur in diuisionibus & affectionibus suis.

*Diuisiones* ipsius sunt, quod est inspirata, infusa, vel acquisita.

13. *Theologia inspirata* est. *dyeg. q. d.*, ante Moysen, vel *dyeg. q. d.* post Moysen: & hæc est ipsissima Scriptura sacra, quæ dicitur *theologia positua*.

14. *Theologia infusa* est, qua Spiritus sanctus ordinariè vel extraordinariè, immediatè vel mediate nos imbuit.

15. *Theologia acquisita* est, quæ acquiritur proprio studio.

16. *Affectiones theologiae supernaturalis* sunt, esse unam specie, fundamento, & substantia; sed ratione

I. *finis seu usus*, esse theoreticam, vel practicam:

II. *modi tradendi*, esse catechetica, vel didacticam; scholasticam, vel popularem, seu ecclesiasticam; didacticam, vel polemica:

III. *ambitus*, esse totalem, seu vniuersam, vel partialem, vt est theologia symbolica, allegorica, parabolica, typica, anagogica, &c.

IV. *perfectionis*, esse in idea, vel in subiecto. Illa dicitur theologia simpliciter, & absolutè; hæc, theologia secundum quid.



17. *Theologia falsa* est aperte falsa, vel mangonizata. Ibi est theologia ethnicorum, Iudæorum, & Mahumedanorum: hic pseudochristorum, & antichristorum; atque hæc est tum hæreticorum, tum magni Antichristi. Porro *theologia ethnicorum* est vel veterum, eaque vulgaris, vel philosophica, & hæc rursus fabulosa seu mythologica, naturalis seu physica, aut civilis seu politica: vel hodie viuentium, vt Americanorum, Iaponiorum, & similium idololatrarum.

## L O C U S II.

## De studio theologico.

1. *Studium Theologicum* est extraordinarium, vel ordinarium.

2. *Studium Theologicum extraordinarium* est in heroicis quibusdam ingeniis.

3. *Studium theologicum extraordinarium* absoluitur præfixione scopi & metæ temporis, remotione impedimentorum, & applicatione mediocum discipulis theologicæ.

4. *Scopus studii theologici* est remotus, isque gloria Dei, & salus animarum; vel proximus, isque tum simplex, vt futurus theologus seruiat Deo in schola, vel ecclesia; tum compositus, vt Theologia doceatur in schola & ecclesia simul.

5. *Meta temporis studio theologico impendendi* variat pro diuersitate ingeniorum, & adminiculorum discendi. Communiter solet præscribi sexennium.

6. *Impedimenta studii theologici* sunt vitia impia, confusio, & curiositas.

7. *Media, seu adminicula, discentia theologiae*, sunt diuina, vel humana.

8. *Media diuina* sunt precatio, & sanctimonia vitæ.

*Media humana* sunt natura, & cura.

9. *Natura*, quæ requiritur in studioso theologiae, est ingenium theologicum.

10. *Cura* est artis, vel exercitationis.

*Cura artis* est triplex: philologica, philosophica & theologica.

11. *Cura artis philologica* est in eo, vt studiosus theologiae discat linguas necessarias, vt sunt Latina, Græca & Hebraica. Quibus, tanquam honorariæ, addi possunt à felicioribus ingeniis Arabica, & aliæ quædam exoticæ.

12. *Cura artis philosophica* est in eo, vt studiosus theologiae artibus organicis, id est, grammaticæ, rhetoricæ, dialecticæ, oratoricæ, & poëticæ, addat primam philosophiam, arithmericam, geometriam, sphaeram cœlestem & terrestrem, computum, astronomicum, musicam, ethicam, œconomicam, & politicam.

13. *Cura*

13. *Cura artis theologica* perficitur quatuor curriculis; è quibus primum est catecheticum; secundum, locorum communium; tertium, biblicum; quartum, controversiarum theologicarum & historiae ecclesiasticae.

14. *Cura exercitationis* est in adornatione locorum communium theologorum, disputationibus theologis, declamationibus & concionibus, denique in peregrinatione.

L O C U S III.

*De Catechesi.*

**I**Ta sunt *praeognita theologica*: Sequuntur *loci communes* in Catechesi & Scriptura.

*Catechesis* spectatur in genere & partibus suis.

*Circa Catechesin in genere* quatuor sunt expendenda, quid ea sit, cur tradenda sit, & quomodo; denique quis sit nervus ad catechizandi modum.

1. *Catechesis* est compendium religionis Christianae;

2. *Catechetica institutio* est necessaria & valde antiqua. Nam principio ea est necessitas catechismi tradendi in ecclesia, quae est professionis, locorum communium in scholis theologis. Deinde catechetica institu-

A. 7. tio

io est fundamentum ædificationis eccle-  
 siasticæ. *Tertio* hæc est forma sanorum ver-  
 borum. *Quarto* hac ratione omnes præpa-  
 rantur ad conciones intelligenter, & fru-  
 ctuose audiendas. *Quinto*, catechumeni  
 de religionis controuersis paulatim iudi-  
 care discunt. *Sexto* hæc consuetudo eccle-  
 siam docendi, vna cum doctrinæ puritate,  
 disciplinæ quoque formam restituit ac  
 feruat. *Denique* capitum catechetorum  
 vsus est longe amplissimus & suauissimus  
 in quinque illis docendi generibus: puta in  
 didascalico, elenctico, pædeutico epanor-  
 thotico, & paracletico. Quod attinet ad  
*antiquitatem*, illa inde à breuiario illo eu-  
 angelii, de semine mulieris *Genes. 3.* arcessi-  
 tur. Vide etiam *Heb. 5.* & *6.*

3. *Modus tradenda Catechesis* debet esse  
 triplex: domesticus, scholasticus, & eccle-  
 siasticus.

4. *Domesticus* cernitur in capitum siue  
 textuum catechetorum inculcatione, li-  
 berorum ad conciones & examina cate-  
 chetica adductione, & consionum atque  
 examinum istorum repetitione.

5. *Scholasticus* in eo vertitur, vt tres ca-  
 techumenorum classes constituentur, in-  
 fima, media, & suprema. *In infima classe* pro-  
 ponentur nuda capita catechetica: *in media*  
 exponuntur illa ipsa capita compendiosis  
 qua-

quæstionibus: in *suprema* tradetur plenum catechismi systema.

6.. *Ecclesiasticus* catechizandi modus & usus erit ratione iuniorum, & adultiorum. Quantum ad *iuniores*, triplex erit usus & modus catechesis tradendæ. 1. conciones catecheticae habebuntur. 2. post concionem instituetur examen. 3. qui ex catechumenis ad sacram cœnam admitti petunt, de tota doctrina Christiana audiantur. Similiter, qui ex illis matrimonium meditantur, eique benedicti volunt. Quod attinet *adultiores*, si res ita postulet, cum iis instituetur colloquium catecheticum, si matrimonium meditentur, aut infantem baptizandum offerant, aut ad baptismum testes adhibeantur.

7.. *Nexus* ad hos catechizandi modos erit. 1. *authoritas* magistratus. 2. *paterna* & *blanda* pastorum exhortatio. 3. *exemplum* ab ipsis magistratibus, pastoribus, senioribus, præceptoribus, parentibus, liberis, & famulatio. 4. *cenfura ecclesiastica*.

#### L O C U S IV.

##### De symbolo apostolico.

**P**artes catechismi sunt sex: symbolum, decalogus, oratio Dominica, institutio baptismi & sacrae cœnæ, denique formula disciplinae ecclesiasticæ.

*Circa*

*Circa symbolum apostolicum spectantur: præcognita, seu præparatio, & explicatio.*

1. *Præcognita symboli sunt in affectione: & partitione ipsius.*

2. *Affectio est in antiquitate, authoritate, & modo tum intelligendi tum utendi.*

3. *Antiquitas symboli huius est longe maxima. Est enim compositum aut ab Apostolis in concilio Hierosolymitano, an. Chr. 50. aut non longè post à viris apostolicis. Vid: Cyprian. exposit. symb.*

4. *Authoritas ipsius proximum à Scriptura sacra locum obtinet.*

5. *Ad intelligentiam conducunt certæ: quædam regulæ: vt, quod in singulis articulis expendenda est substantia fœderis: gratuiti, quantum ad promissionem Dei, & repromissionem hominis credentis; quod conuenientia & differentia V. & N. T. est attendenda; quòd cum re oporteat credere modum, circumstantias, oppositum, antecedentia, consequentia, connexa, & fructum. &c. Vide in Regulis.*

6. *Vsus eius est: vt sit tessera, qua Christianus discernatur ab infideli; vt consulat memoriam; deniq; vt monstrat analogiam fidei, tum in explicatione locorum Scripturæ, tum in diiudicatione controuersiarum in religionis negotio.*

7. *Partitio generalis sumitur ex formula baptis-*

baptismi *Matth* 28. *Baptizate eos in nomine Patris, Filii, & Spiritus sancti.* Tres itaq; sunt partes principales symboli. 1. de Patre. 2. de Filio. 3. de Spiritu sancto. *Partitio minutior,* siue subdivisio, est in XII. articulos: è quibus vnus pertinet ad primam partem, sex ad secundam, quinque ad vltimam.

*Explicatio* duodecim istorum articulo-  
rum concisa sic est.

8. *Primus articulus* complectitur sex ista:

I. *De fide:* scil. saluifica, qua fit vt homo fidelis certò sciat, assentiatur, confiteatur, & sibi aliquid applicet.

II. *De natura Dei:* quòd sit aliquis Deus, & quòd ille sit vnus.

III. *De prima persona Trinitatis;* adeoque de ipsa SS. Trinitate.

IV. *De omnipotentia Dei;* vbi agendum est de omnibus attributis essentiaè Dei.

V. *De creatione;* quæ ideo in principio omnium articulo-  
rum fidei, & in fronte totius scripturæ *Gen*. 1. est posita, vt Deum infinita cum redundantia omnia facere posse, quæ in verbo & articulis fidei se facturum & daturum promisit, creationis exemplo conuincamur.

VI. *De prouidentia;* cuius existentia & amplitudo est demonstranda.

9. *Secundus articulus* complectitur titulos quinque.

I. *De fide in Christum*; qui patri est æqualis.

II. *De nomine IESVS*; quod significat Salvatorem merito & efficacia.

III. *De nomine CHRISTVS*, quod significat hoc loco vñctum prophetam, sacerdotem, & regem: à quo nos appellamur *Christiani*.

IV. *De persona Christi*; quòd sit Filius Dei vnigenitus.

V. *De officio & beneficiis Christi*; quòd sit propheta, sacerdos, rex & Dominus noster iure acquisitionis & protectionis.

10. *Tertius articulus* continet duos hosce titulos.

I. *De conceptione Christi*; qua ille conceptus est è Spiritu sancto, vt posset esse idoneus mediator, & Spiritum sanctum nobis acquireret.

II. *De nativitate Christi*; qua ille natus est ex Maria virgine; natus, inquam, est nobis, vt per illum aliquando renasceremur.

11. *Quartus articulus* habet quatuor articulos:

I. *De passione Christi sub Pontio Pilato*; quæ est speculum gratiæ Dei & amoris Christi, & nobis est *λύτρον*.

II. *De*



II. De crucifixione Christi; qua ille factus est execratio pro nobis.

III. De morte Christi; cuius praestantia cernitur in sacrificio seu *λυτήριον*, & triumpho.

IV. De sepultura Christi; qua ille obsignavit ceratundinem mortis suae, & nostra sepulchra sanctificavit.

12. Quintus articulus complectitur duos articulos:

I. De descensu Christi ad inferos; quo ille expertus est omnem statum defunctorum & sepulcorum, ut ipsius descensus esset noster ascensus.

II. De resurrectione Christi ex mortuis; qua ille gloriose resurrexit, propter seipsum & nos fratres suos.

13. Sextus articulus continet duos titulos:

I. De ascensione Christi in caelum; qua ille carnem suam in caelum tertium intulit, ut ibi appareat coram Patre suo, & Spiritum suum inde ad nos emittat.

II. De sessione Christi ad dextram Patris; qua ille euectus est ad regnum suum cum plenitudine maiestatis exercendum in medio inimicorum suorum.

14. Septimus articulus est de reditu Christi ad vniuersale iudicium, quo absoluentur electi, & condemnabuntur reprobi.

15. Octauus articulus est bimembris.

I. De

I. *De fide in Spiritum sanctum*; qui Patri & Filio, à quibus spirantibus procedit, est æqualis.

II. *De persona & officio Spiritus sancti*; quòd sit tertia persona SS. Trinitatis, sanctificans nos ad vitam æternam.

16. *Nonus articulus* complectitur tres titulos.

I. *De fide*, qua credimus hunc & seqq. articulos.

II. *De ecclesia*; quæ est sancta & catholica.

III. *De communionem sanctorum*; quam habent illi cum capite iuo, Iesu Christo, & inter sese.

17. *Decimus articulus* est de remissione peccatorum, quæ est beneficium Dei condonantis omnia peccata omnibus credentibus, propter Christum.

18. *Undecimus articulus* est de resurrectione carnis, qua mortui resurgent in fine seculi, vt à Deo accipiant compensationem.

19. *Duodecimus articulus* est de vita æterna, quæ est finis fidei nostræ, consistens in ablatione omnis miseræ, & collatione omnimodæ felicitatis.

20. Particula *Amen* à quibusdam additur, non quòd symbolum sit precatio, sed quia vox ista est signaculum fidei.

L O C U S V.

De decalogo.

**C**irca decalogum spectantur præcognita,  
& explicatio.

1. *Præcognita decalogi* sunt in ipsius promulgatione, præfatione, partitione & modo tum intelligendi, tum utendi.

2. *Promulgatio decalogi* repetenda est ex *Exod. 19. & 20.*

3. *Præfatio* est in illis verbis: *Ego sum Iehoua, Deus tuus, qui eduxite ex terra Ægypti, domo seruorum.* Quibus verbis Deus partim suam maiestatem, partim beneficia duo, adoptionis & liberationis, explicat.

4. *Partitio* est in duas tabulas: quarum vna quatuor præceptis explicat dilectionem Dei, altera sex præceptis dilectionem proximi.

5. *Modus intelligendi* continetur certis regulis, ut è multis sunt hæ: Lex spiritualiter est intelligenda, itemq; synecdochicè: Tabula secunda cedit primæ: Ex affirmatione colligenda est negatio, & contra: Cum relativis fanciuntur correlatiua, &c.

6. *Modus utendi* est, ut decalogus sit subsidium memoriæ, speculum miseriam, regula vitæ, repagulum malitiæ, & compendium analogiæ charitatis.

*Explicatio* decem præceptorum decalogi concisa sic est.

7. *Primum præceptum* prohibet, ne faciamus deos alienos coram facie Dei, h. e. ne habeamus aliquid pro Deo, quod non est Deus, nec id tanquam Deum colamus. *Prohibet* itaq; internam idololatriam. *Contrario mandat* fiduciam in vero Deo, adeoque amorem & timorem Dei.

8. *Secundum præceptum* continetur prohibitione & illius sanctione. *Prohibitio* est de fictione & adoratione imaginum. *Prohibetur* nempe representatio Dei per imaginem, & cultus Dei in imagine. Atque hæc est idololatria externa; cui *opponitur* cultus Dei externus, quo ille colitur externis quidem gestibus, sed tamen in spiritu & veritate. *Sanctio* est partim comminatio partim promissio.

9. *Tertium præceptum* continetur prohibitione & sanctione. *Prohibitio* est de abusu nominis Dei per nostrum sermonem: cui *opponitur* sanctus nominis Dei usus in precibus, gratiarum actione, iuramento, & votis. *Sanctio* est à pœna, quâ Deus minatur transgressori.

10. *Quartum præceptum* constat tribus membris. 1. *præcepto*, quo mandatur sanctificatio sabbati, h. e. cultus Dei publicus stato certoq; tempore. 2. *expositione præcepti*, in qua ceremoniale distinguendum est à morali. 3. *ratione*

zione precepti, quæ sumitur ab exemplo Dei

11. *Quintum preceptum* constat mandato, & ratione mandati. *Mandatum* est de officio liberorum erga parentes, quod circumscribitur honore. *Parentes* sunt omnes superiores naturali, vel civili ratione. Naturali iterum, vel natiuitatis, vt pater & mater; vel propinquitatis, vt consanguinei & affines; vel ætatis, vt senes. Civili ratione, vel potestatis, vel beneficiorum. Potestatis, siue publicæ, vt magistratus, doctores, tutores; siue priuatæ, vt maritus, paterfamilias. Beneficiorum seu meritorum, vt patrini, patres adoptiui, nutritii, nutrices &c. Atque hoc modo intelliguntur parentes. *Liberi* itaque eodem modo generatim intelligentur. *Honor* synecdochice cõplectitur reuerentiam, obediẽtiam, & gratitudinem. Hinc iam dependent officia parentum erga liberos, vt nempe virtutibus inferiorum respondeant beneficia superiorum. *Ratione mandati* est à promissione vitæ longæ coniunctæ cū prosperitate. Quæ eatenus à Deo præstatur, quatenus ipse expedire sapientissime iudicat.

12. *Sextum preceptum prohibet* occasionẽ hominis, id est, iniuriam seu violentiam, qua corpus læditur: siue illa sit interna, vt in odio, ira, & quouis animi affectu in-  
teriore; siue externa eaque in verbis

vt

vt calumniis, conuitiis, & iniustis condemnationibus, quibus vita alicuius in discrimen adducitur; aut factis, vt cum homo manu vel quouis alio instrumento hominis corpus lædit. Ac rursus vel ex malitia, vt vi publica & priuata, dolo seu fraude; vel ex imperitia, vt si quis imperite cõficiat vel propinet medicamenta; vel ex imprudentia. Porro occisio hominis cuiusuis, siue nati, siue in vtero adhuc delitescens; & in lucem editi, siue sui ipsius, siue alterius, hic prohibetur. Ab hac igitur hominis cuiusuis læsione homo *quiuis* prohibetur, præter parentes, præceptores, tutores, magistratus & medicos: quibus interdum corpus hominis lædere concessum est, idque priuatim, vel publice. Priuatim: vt patri, matri, præceptoribus, tutoribus, propinquis, heris, &c. sustigatione vti, cum ita necesse est, licet: item medicis in curatione licet interdum secare, vrere &c. Publicè: vt magistratui legitimo vel supplicio capitis, vel mutilatione membrorum, vel verberibus vti licet in iudicio vel bello. Ergo hoc modo hominem ab homine occidendum esse negatur. *E contrario* affirmatur, seu *mandatur*, beneficentia, fortitudo rogata & bellica, studium pacis & concordia, humanitas, &c.

13. *Septimum præceptum prohibet scortationem.*

tionem, id est, cuiusvis libidinis intemperantiam, internam, in cogitatione & affectu: externam, in verbis, siue dictis siue scriptis, & factis, puta in gestu, habitu siue vestitu, & commixtione carnali extra coniugium, vel in coniugio. *E contrario sancitur* castitas & puritas in cogitationibus, affectibus, dictis, & factis, tum in coniugio, tum extra coniugium.

14. *Octavum præceptum prohibet* furtum; quo nomine intelligitur quævis iniusta bonorum proximi usurpatio, & omne genus damni, quod proximi bonis sine iusta causa datur. Itaque hic prohibetur furtum internum, ut concupiscentia bonorum proximi vel invidia; & externum, idque in verbis, ut in captiosa suasionem vel prodicione bonorum proximi; vel factis, ubi est maleficium, vel negligentia, vel inscitia. Maleficium est in vi publica & privata, occulta & aperta: ut in peculatu, Simonia, sacrilegio, expilationibus, iniustis exactio- nibus, latrocinis, usuris immoderatis, contractibus illicitis, &c. Negligentia committitur furtum, cum quis negligenter res suas agit, aut in edicitati non-necessariae se tradit. Inscitia: ut cum imperitus advocatus vel iudex nocet bonis proximi. Prohibetur itaque hoc præcepto invidia rapina, usura, prodigalitas, avaritia, tenacitas, in

hospitalitas, negligentia & ignavia in rebus propriis custodiendis & laboribus tempestiuis suscipiendis. *E contrario mandatur* cura bonorum proximi & nostrorum, adeoque prudentia in re familiari, frugalitas, sedulitas, liberalitas, honestus labor in quacunque vocatione & denique lancitur distinctio dominiorum.

15. *Nonum praeceptum prohibet* falsum testimonium, id est, mēdacium, quod committitur animo, vel opere externo. Animo: vt suspicione mala, auuiditate audiendi obreētationes, propensione ad sinistra iudicia, &c. Opere externo: vt verbis, vel factis. Verbis, tum dictis, tum scriptis, in iudicio, vel extra iudicium, vt in pactis, artibus, & sermonibus vulgaribus. Factis: vt simulatis vestibus, nutibus, fūco &c. Ergo hoc modo negatur falsum testimonium dicendum esse aduersus proximum siue volentem, vt in adulationibus; siue nolentem, eumq; praesentē vel absentē. *E cōtrario mandatur* benigna de proximo opinio, odiū & detestatio calumniarū, taciturnitas, veracitas, docilitas, grauitas in sermone, commendatio bonae famae proximi, &c.

16. *Decimum praeceptū prohibet* concupiscentiam inordinatam quamuis, siue malis nostris cogitationib. excitetur, siue ex naturae nostrae corruptae motu oriatur, & nobis



bis inopinantibus obrepit: ac rursus, siue voluntatis nostræ assensu probetur & retineatur, siue contrario dissensu improbetur & repellatur: deniq; siue sit levis & momentanea, animum cito præteruolans, siue titillans & aculeis quasi animum pungens. Prohibetur autē rei cuiusvis concupiscentia ἀπειθήματα. E contrario mendatur animæ, hoc est, mentis, voluntatis, & omnium affectuum rectitudo, adeoq; sancta in omnibus rebus cogitatio & concupiscentia.

## L O C U S VI.

## De oratione Dominica.

**C**irca orationem Dominicam spectantur præcognita, & explicatio.

1. *Præcognita orationis Dominica* sunt in genere de natura precatōnis religiosæ, & in specie de orationis huius partitione seu methodo, & modo illam intelligendi & usurpandi.

2. *Natura precatōnis religiosa* est, ut dirigatur ad Deum solum, in nomine Christi, ex vera fide, pro nobis & aliis, ad Dei gloriam & salutem in primis æternam, absque intermissione, cum praxi pœnitentiæ, & denique cum spe ac perseverantia.

3. *Methodus orationis Dominica* est, quod post præfationē continetur sex petitionibus, quib. additur epilodus. Ex petitionib.

tres priores spectant Dei gloriam; reliquæ, nostram salutem temporalem & æternam.

4. *Ad intelligendam hanc orationem faciunt certæ regulæ* v.g. Oratio hæc dirigitur vel ad totam Trinitatem, vel ad vnam aliquam personam: Cum petitionibus subintelligenda est gratiarum actio: Cum bonis petimus causas, media & usum ipsorum: Precatio includit deprecationem, &c.

5. *Vsus orationis Dominica est*: vt sit norma & Lydius lapis omnium aliarum precum, nobisque in omni vitæ genere sit velut sacra quædam anchora.

*Explicatio succincta huius formulæ est eiusmodi.*

6. *Prefatio* continet tres velut articulos.

I. *Quem inuocemus*: videl. Patrem, id est, Deum, qui est pater omnium.

II. *Qualis sit ille Pater*: videl. noster, iure creationis, conseruationis, & redemptionis.

III. *Quantus sit ille Pater*: vide! cœlestis, id est, sanctimonia & omnipotentia præditus.

7. *Prima petitio* est de sanctificatione publica & priuata nominis Dei per gratiam ipsius, nostramque fidem & sanctam vitam.

8. *Secunda petitio* est de aduentu regni Dei, vt vita æterna in nobis hic inchoetur per ipsius gratiam, nostrumq; desiderium, & studium sanctitatis, & tandem aliquando consummetur.

9. *Tertia petitio* est de abnegatione nostri, vt voluntatem Dei patiamur & faciamus in vita & morte, in rebus secundis & aduersis.

10. *Quarta petitio* est de sustentatione vitæ huius animalis per media vocationi nostræ consentanea.

11. *Quinta petitio* est de condonatione peccatorum nostrorum, quam colligimus ex condonatione offensarum proximi nostri.

12. *Sexta petitio* est de præsentia auxiliæ Dei, ne nos permittat libidini diaboli, carnis & mundi, sed aduersus tot & tantos hostes manu sua nos sustentet.

13. *Epilogus* continet confirmationem, qua causa superiorum petitionum exprimitur; & *signaculum fidei*, id est, particulam *Amen*, qua asseueramus simul & optamus.

L O C U S VII.

*De institutione baptismi.*

**I**n hac formula occurrunt mandatū, promissio, & comminatio. *Matth. 28. v. 15. 16.*

B 3

1. *Man*

I. *Mandatum* est tripartitum. I. *Ite*, hoc est, legati mei estote, hinc inde proficiscē-  
 do. II. *Docete omnes gentes*, hoc est, per euangeli-  
 præconium facite illos meos discipulos. III. *Discipulos istos meos baptizate in nomen Patris, Filii, & Spiritus sancti*, hoc est, ritu immersionis in aquam, illos confirmate, quod nomen meum super illos sit inuocatum, ita ut in familiam meam sint cooptati, ut à me accipiant omnis generis beneficia, & erga me testata faciant sua officia, meis domesticis digna.

II. *Promissio* est de salute conferenda omnibus credentibus.

III. *Comminatio* est de condemnatione, quæ manebit omnes incredulos.

## L O C U S V I I I.

### De institutione sacrae cœnae.

**I**n hac formula occurrit præfatio, & dispensatio epuli sacri. *Matth. 26. Marc. 14. Luc 22.*

I. *Præfatio* est de authore, ibi *Dominus Iesus*; & circumstantia temporis, ibi *ea nocte qua proditus est.*

*Dispensatio epuli sacri* continetur tractatione singulari panis & vini, & communi obsignatione vtriusque actus.

II. *Tractatio panis* continetur acceptio-  
 ne

ne, gratiarum actione, fractione, præceptione prima, promissione, & præceptione secunda.

3. *Acceptio panis* est, qua Christus panem accepit in suas manus, vt figuraret spontaneam suam oblationem.

4. *Gratiarum actio* est, qua Christus panem acceptum consecrauit solenniter, vt illam segregaret à communi vsu.

5. *Fractio panis* est, qua Christus panem consecratum in frusta comminuit, vt figuraret fractionem sui corporis.

6. *Præceptio prima* est ibi: *Accipite*, scilicet manibus quisque suis panem, atque etiam fide carnem meam, panem illum vitæ: *Edite*, scilicet panem ore, corpus meum fide.

7. *Promissio* est ibi: *Hoc est corpus meum*, id est, Panis, quem accipitis & editis, est sacramentum corporis mei, quod pro vobis frangitur, & vobis applicatur per fidem.

8. *Præceptio secunda* est explicatio Promissionis: *Hoc facite in mei recordationem*, ita nempe vt grata mente ex vera fide nunquam non recolatis memoriam crucifixionis meæ, quam vobis hæc cœna velut ob oculos ponit.

9. *Tractatio vini* continetur acceptione,

B

4

gra-

gratiarum actione, præceptione prima, promissione & præceptione secunda.

10. *Accptio, gratiarum actio & præceptio prima* proponuntur implicite, ibi: *Itidem & poculum, postquam coenassent, dicendo: id est. Peracta comestione panis accepit poculum, & cum eo vinum, gratisque actis, dixit, Accipite, bibite.*

11. *Promissio* est ibi: *Hoc poculum est novum illud foedus per meum sanguinem id est, Vinum in hoc poculo est sacramentum foederis gratiæ, quod sancitur per meum sanguinem.*

12. *Præceptio secunda* est explicatio promissionis: *Hoc facite, quotiescunque biberitis, in mei recordationem, ita nempe, ut grata mente ex vera fide nunquam non recolatis fusionem sanguinis mei, absque qua foedus gratiæ non fuisset futurum ratum.*

13. *Communis obsignatio* continetur illis verbis: *Quotiescunque enim edritis panem hunc, & poculum hoc biberitis, mortem Domini annuntiabitis, usquequo venerit, h. e. apud homines, fratres nempe vestros, prædicare hoc tantum beneficium mortis meæ; & quia visibili forma vobiscum non verborum, hoc symbolum præsentiam, gratiæ & Spiritus mei habete, donec præsentiam gloriæ meæ testaram faciam illustri meo adven-  
tu.*

## L O C U S IX.

## De formula disciplinae ecclesiasticae.

**I**n hac formula duo occurrunt; potestas & auctoritas Matth. 8. v. 15. 16. 17. 18.

1. Potestas continetur quatuor gradibus: videl.

I. Admonitione fratris peccantis solitaria.

II. Admonitione socia, quæ fit coram testibus.

III. Admonitione ecclesiastica.

IV. Excommunicatione minore & maiore. Illa dicitur suspensio; hæc excommunicatio simpliciter. Quamquam excommunicatio minor etiam pro simplici excommunicatione ponitur, & maior pro anathemate.

2. Auctoritas est ibi: Amen dico vobis: Quaecumq; ligaueritis in terra, erunt ligata in cælo, &c. id est, ligationi ministeriali recte in ecclesia exercitæ respondebit ligatio principalis in cælo. De solutione idem est iudicium.

## L O C U S X.

## De Scriptura sacra.

**I**Ta sunt loci communes in Catechesi: iam sequuntur loci communes in Scriptura passim propositi & expositi.

B. 5

1. Sci-

Lo-

1. *Scriptura sacra* spectatur in natura & dogmatibus suis.

2. *Natura eius* est, esse verbum Dei.

3. *Verbum Dei* consideratur in genere & in specie.

*In genere* spectatur verbi Dei *authoritas* & *facultas*.

4. *Authoritas verbi Dei* est tanta, quantum ipsius Dei.

*Facultas verbi Dei* est perducere hominem credentem ad salutem.

*Verbum Dei in specie* est *internum*, vel *externum*.

6. *Verbum Dei internū* imprimitur cordibus credentium: idque *immediate*, vel *mediate*.

7. *Verbum Dei externum* est ἀγγραφον, vel ἱερογραφον, id est, *non-scriptum*, vel *scriptum*.

8. *Verbum Dei non-scriptum* est tū *propheticum*, ante Moſen: tum *apostolicum*, statim initio *prædicationis euangelicæ*.

9. *Verbum Dei scriptum* vulgo dicitur *Scriptura sacra*.

*In Scriptura sacra* occurrit *partitio*, *affectio*, & *tractatio*.

10. *Partitio scripturae* est *ratione temporis*, *authoritatis*, & *partium essentialium*.

III. *Ratione temporis* *Scriptura completitur*



Etitur libros veteris & noui testamenti seu instrumenti. Illi dicuntur prophetici; hi, apostolici.

12. *Ratione auctoritatis* Scriptura complectitur libros canonicos & apocryphos.

13. *Libri canonici V. Test.* sunt XXXIX; N. T. XXVII. Vtrobique autem alii fuerunt semper certi, alii aliquando in dubium vocati.

14. *Libri canonici V. T.* aliter ab Hebraeis, aliter à Græcis & Latinis distinguuntur. Et Hebraei quidem 39. libros Vet. T. reuocant ad 24. eosque diuidunt in quatuor classes: videlicet in legem, Prophetas priores, Prophetas posteriores, & Hagiographa. Græci autem & Latini eos partiuntur in legales, historicos dogmaticos seu poeticos, & propheticos.

15. *Libri canonici N. Testam.* diuiduntur primo in euangelia, acta apostolorum, epistolas, & apocalypsin: deinde in libros historicos, dogmaticos, & vnum propheticum.

16. *Libri apocryphi* sunt numero XVII; e quibus nouem sunt integri libri; reliqui octo, appendices librorum canonicorum.

17. *Partes essentielles* Scripturae sacrae sunt materia & forma.

18. *Materia Scripturae* sunt lex & euangelium.

19. *Forma Scripturae* est interna, vel externa. Illa est in diuinitate significationis. (per hanc enim Scriptura est id quod est, & ab aliis scriptis distinguitur) hæc est in dispositione systematis Biblici.

20. *Affectio*, seu proprietas, Scripturae sacrae, est autoritas, perfectio, & claritas.

21. *Autoritas scripturae* probatur testimoniis variis; quorum *alia* sunt supra scripturam, vt testimonium Spiritus sancti: *alia* in Scriptura, vt testimonium Scripturae de seipsa, & varia ipsius *verba*, sumta à causis, effectis, subiectis, & adiunctis ipsius: *alia* infra scripturam, vt testimonium ecclesiae, Iudaeorum, gentilium, & haereticorum.

22. 23. 24. *Perfectio*, siue sufficientia Scripturae tanta est, vt sit norma fidei ac vitae, ac proinde *iudex controuersiarum* in negotio religionis, excludens omnes *traditiones* quæ ipsius defectum suppleant.

25. *Claritas*, seu perspicuitas Scripturae, consideratur absolute, vel relate ad nos.

26. *Tractatio Scripturae* est ipsius versio, lectio, & interpretatio.

27. *Versio Scripturae* consideratur separatim, vel coniunctim. *Separata* versio est *uegus*, vel *nona*. *Verus* iterum est Scripturae alter-

alterutrius, vel utriusque. *Alterutrius*: ut est, tum versio Vet. Testam. Chaldaea, & Graea; & haec alia ante, alia post natum Christum: tum versio N. Testa. Syriaca & Arabica. *Vtriusque*: id est, V. & N. Testam. ut est versio Latina; cuius multa olim genera extitisse docet *Augustinus lib. 2. de doctrina Christiana cap. 11.* *Nova* versio etiam est vel alterutrius, vel utriusque scripturae. *Alterutrius*: in versio Münsteri Vet. Test. & Erasmi N. T. *Vtriusque*: ut versio Pagnini &c. *Versio coniuncta* apud veteres erat in Hexaplis & Octaplis exemplaribus Origenis: hodiè est in Opere Complutensi, Regio, &c. Porro versio omnis hic iterum est duplex: alia *simplicior & adstrictior*, qua verbum verbo redditur; alia *liberior & solutior*, in qua saepe sensus magis exprimitur quam verba, & ornatus atque elegantia sermonis adhibetur.

28. *Lectio Scripturae* spectatur quantum ad necessitatem, & modum, qui circumscriptur sanctitate, prudentia, & diligentia.

29. *Interpretatio Scripturae* est diuina, vel humana: infallibilis, vel fallibilis: publica, vel priuata: scholastica, vel ecclesiastica: synthetica, vel analytica.

## L O C U S XI.

## De Deo.

**D**ogmata scripturae sunt alia de Deo, alia de operibus Dei.

In Deo considerantur nomina, essentia & personæ.

1. Nomina Dei sunt propria, vel communia: absoluta, vel respectiva &c. Vide in *Distinctionibus*.

2. Essentia Dei spectatur in unitate & perfectione sua.

3. Unitas essentia Dei est plane singularis.

4. Perfectio essentia Dei cernitur in attributis variis, quæ alias dicuntur proprietates Dei essentielles & generales, seu communes tribus personis.

5. *Attributa essentia Dei* considerantur communiter & singulariter.

6.7. *Communiter* in attributis Dei spectatur ipsorum affectio & distinctio.

*Singulariter* attributa Dei sunt simplicia, vel comparata.

8. *Attributa Dei simplicia* competunt ipsi proprie citra tropum. Suntque primi, vel secundi generis siue ordinis. Illa dicuntur incommunicabilia & negatiua, hæc communicabilia & affirmatiua.

2. Ad.

9. *Attributa primi generis* sunt simplicitas, immutabilitas, immensitas, & æternitas. Sub immutabilitate continetur impatibilitas: sub immensitate, omnipræsentia & incomprehensibilitas: sub immensitate & æternitate infinitas.

10. *Attributa secundi generis* notant vitam tum spiritualementum, tum integram. *Vitam spiritualementum* indicant intellectus, voluntas, & omnipotentia Dei. *Vitam integram* indicant idea virtutis & beatitudinis. *Idea virtutis* est omniscientia in intellectu, & veracitas atque bonitas in voluntate. Sub veritate continetur iustitia: sub bonitate benignitas, clementia, misericordia, gratia, amor, &c. *Idea beatitudinis* est gloria essentialis, & gaudium. Gloria Dei essentialis (est enim etiam gloria personalis) intelligitur coniunctim, vel sigillatim. Coniunctim, videl. in omnibus, vel pluribus attributis simul *Esai. 42. 8. & 48. 11. 1. Cor. 10. 31.* Sigillatim verò in vno aliquo attributo: vt *Eph. 1. v. 4. 12. Rom. 9. 23.*

11. *Attributa Dei comparata, seu figurata,* sunt voces, vel phrasæ. *Voces figurata* sunt metonymicæ, ironicæ, metaphoricæ, vel synecdochicæ: è quibus metaphoricæ sunt vtilitissimæ. Quo pertinet *αι' ἰσπανο' τῆ' θεῶν.* *Phrasæ figurata* sunt in hypotyposib. diuinæ maiestatis, & in visionib. prophetis.

12. *Rever-*

12. *Persona in una Dei essentia tres sunt:*  
Pater, Filius, & Spiritus sanctus.

*In his oportet attendere ὁμοουσιαν, & distinctionem.*

13. *ὁμοουσία seu unitas essentia est, quae tres illae personae sunt vna illa diuina essentia. Hic demonstranda est deitas Filii & Spiritus sancti quatuor classibus argumentorum. In prima classe sunt nomina Dei: in secunda, attributa: in tertia, effecta: in quarta, cultus.*

14. *Distinctio personarum SS. Trinitatis fit per proprietates personales, & gloriam personalem.*

15. *Proprietates personales, seu speciales & characteristicae, sunt internae vel externae.*

16. *Proprietates internae sunt tum Patris, tum Filii, tum Spiritus sancti.*

17. *Proprietas interna Patris est respectu sui, αὐτονομία: respectu Filii, ἡύνοια actiua, seu gignere: respectu Spiritus sancti, spiratio actiua seu emissio.*

18. *Proprietas interna Filii est respectu Patris, ἡύνοια passiuia, seu gigni à Patre: & respectu Spiritus sancti, vna cum Patre spirare seu emittere Spiritum sanctum.*

19. *Proprietas interna Spiritus sancti est ἐκπόρευσις, seu processio, qua spiratur à Patre & Filio.*

20. *Proprietates externae sunt haec. i. quod*

PA-

*Pater* creavit & sustentat omnia per *Filium*, & *Spiritum sanctum*: quod dedit *Filium* redemptorem: denique quod testatus est de *Filio suo*. 2. quod per *Filium* omnia sunt facta: quod ille assumpsit carnem nostram & in illa perfecit œconomiam salutis: denique quod testatus est de *Patre suo*. 3. quod *Spiritus sanctus* fouit omnia in prima creatione: quod varia dona distribuit hominibus: quod sanctificauit massam sanguinis in utero *Mariæ virginis*, & ex illa formauit humanam *Christi naturam*: quod apparuit in quadam specie columbæ: denique quod adest humanæ *Christi naturæ* citra mensuram, nobis secundum demensum *Christi*.

21. *Gloria personalis* est propria singularum personarum. Spectatur autem in iis vel coniuuētim, vt *Esa. 6.* vbi trium personarum gloria describitur, non solum essentialis illa, de qua paulò antè; sed etiam personalis: vel sigillatim, vt est gloria *Parris Ioh. 7. 18. Rom. 6. 4. Heb. I 2. & 2. Petr. 1. 17.* & gloria *Christi Ioh. 1. 14. & c. 17.*

## L O C U S XII.

## De operibus Dei in genere.

SEquuntur opera Dei, quæ considerantur in genere & in specie.

Opera

*Opera Dei in genere habent communes affectiones, & diuisiones generales.*

2. *Affectiones operum Dei sunt, esse & fieri sine motu; exprimere naturam Dei; superare omnem captum creaturæ.*

3. *Diuisiones generales sunt, esse*

I. *communia totius Trinitatis, vel propria singularum personarum: seu, indiuisa vel diuisa.*

II. *interna, vel externa.*

III. *relata ad Deum, vel ad creaturas: è quibus hæc sunt beneficia, vel iudicia: vtraque temporalia, vel æterna; & hæc vtraque spiritualia, vel corporalia.*

### LOCVS XIII.

#### *De decretis Dei in genere.*

1. **O**pera Dei in specie sunt ab æterno, vel in tempore.

2. *Opera Dei ab æterno sunt ad intra, vel ad extra.*

*Opera Dei ad intra vide paulo ante loc. II.*

3. *Opera Dei ab æterno ad extra veniunt nomine decreti Dei.*

4. *Decretum Dei consideratur in genere & in specie.*

*Decretum Dei in genere habet suas tum affectiones, tum quasi partes.*

s. Affe-



5. *Affectiones*, seu proprietates, decreti Dei, sunt immutabilitas, libertas, sapientia, & iustitia.

6. *Quasi partes*, seu actus, decreti Dei, sunt consilium & praelcientia in intellectu, prefinio & ordinatio, id est, constitutio finis & mediorum, in voluntate.

L O C U S XIV.

*De providentia Dei aeterna.*

**D**ecretum Dei in specie est generale, vel speciale. Illud aeterna providentia; hoc, praedestinatio dicitur.

2. *Providentia Dei aeterna* spectatur in amplitudine & actibus suis.

3. *Amplitudo providentia Dei aeterna* comprehendit omnis generis res, bonas & malas, necessarias & contingentes, magnas & parvas, &c.

4. *Actus* sunt duo: videl. decretum creationis & gubernationis.

5. *Decretum creationis* complectitur formationem & dispositionem in *newturbatioe* exprimendam.

6. *Decretum gubernationis* complectitur omnes actus providentiae actualis seu temporariae: cuiusmodi sunt conserva-  
tio, destructio, permissio,  
&c.

## L O C U S XV.

## De prædestinatione.

1. **P**rædestinatio consideratur in genere & in specie

*In genere* attenditur modus docendi & causa eius impellens prima.

2. *Modus docendi* de prædestinatione alius est syntheticus siue à priori, alius analyticus seu à posteriori.

3. *Causa prima impellens prædestinationis* est *Adoniam*, seu beneplacitum, Dei.

*In specie* prædestinatio est ad vitam, vel ad mortem: seu, electio vel reprobatio.

4. *Electio* est Christi, vel vnitorum Christo, id est, bonorum angelorum & hominum saluandorum.

5. *Electio Christi* respicit vnionem humanæ naturæ cum λόγῳ, & totius personæ designationem ad officium mediatoris.

6. *Electio bonorum angelorum* respicit confirmationem ipsorum in bono sub Christo capite.

7. *Electio hominum saluandorum* consideratur in actibus & notis suis.

8. *Adus ipsius* duo sunt: consilium miserendi, & conferendi tum gratiam, tum gloriam.

9. *Consilium miserendi* est, quo Deus discre.

discr

ic

grati

ctifi

m

glor

i

cati

&amp; sa

i

vel

effe

i

mi

i

qu

no

rep

sus

re

&amp;

pe

al

la

su

ti

p

M

discreuit seruandos à non-seruandis.

10. *Consilium conferendi gloriam* respicit gratiam vocationis, iustificationis, & sanctificationis.

11. *Consilium conferendi gloriam* respicit glorificationem.

12. *Nota siue signa, electionis* sunt in vocatione efficaci, quæ in nobis efficit fidem & sanctitatem, siue bona opera.

13. 14. *Reprobatio est malorum angelorum, vel hominum;* & hæc spectatur in actibus & effectis suis.

14. *Actus ipsius duo sunt:* consilium non-miserendi & damnandi.

15. *Consilium non miserendi*, seu relinquendi, quos Deus vult, in miseria, dicitur non-electio, præteritio, negatio gratiæ, reprobatio passiva & negatiua. Estq; prorsus *absoluta*.

16. *Consilium damnandi*, seu non-conferendi gloriam, dicitur reprobatio actiua & affirmatiua. Eius causa meritoria est peccatum

17. *Effecta reprobationis* alia sunt per se, alia per accidens. *Ibi* ratione piorum est humilitas & gratitudo, ratione impiorum sunt desertio, subtractio gratiæ, induratio, ira Dei, & pœna æterna: *hic* cæcitas, prauitas, & similia peccata reprobatorum. Nimirum diabolus & homo sunt causa isto-

istorum peccatorum efficiens, & per se  
causa deficiens, adeoque per accidens, est  
reprobatio, per quam fit, vt hæc mala non  
prohibeantur vel tollantur à reprobis; quo-  
modo sol est causa deficiens tenebrarū. Si  
tamen malis hæc dicere consequentia po-  
tius, quā effecta per accidēs, nihil repugno.

## L O C U S XVI.

## De creatione.

**E**Xposita sunt opera Dei ab aeterno: dein-  
ceps exponuntur opera eius in tempore.

1. Opera Dei in tempore spectantur in af-  
fectione & diuisione sua.
2. Affectio est; esse speculum decreti, &  
relinquere opus post se.
3. Diuisio istorum operū est: quod sunt  
executio decreti prouidentia, vel præde-  
stinationis.
4. Executio decreti prouidentia est crea-  
tio & gubernatio.
5. In creatione spectatur modus & ordo.
6. Modus creationis est, quod Deus res  
ante non existentes produxit solo nutu;  
absque vilo instrumento, motu, & auxilio;  
& quidem valde bene.
7. Ordo cernitur in hexaemero, & sab-  
bato.
8. Hexaemeron complectitur sex primos  
dies, quibus Deus produxit creaturas, hoc  
pacto.

9. Pri-

9. *Primo die* Deus creavit cœlum, terram, aquam, lucem, & angelos; idque ex nihilo.

10. *Secundo die* productum est expansum, id est, aër. Sohnius tamen & Schönfeldius existimant, expansum appellari à Mose spatium illud vastissimum aquis terrestribus & cœlestibus determinatum, à superficie terræ vsque ad cœlum tertium; ita vt per aquas superiores intelligendæ sint aquæ supra firmamentum, completantes convexitatem cœli tertii. Nam supra cœlos cœlorum esse dicuntur istæ aquæ *Psal. 148. 4.*

11. *Tertio die* facta est collectio aquarum in certos alveos, & omnis generis plantæ sunt productæ.

12. *Quarto die* creatæ sunt stellæ.

13. *Quinto die* pisces, aues & reptilia aquatica sunt producta.

14. *Sexto die* bestię terrestres sunt productæ, & ultimo loco homo.

15. *Sabbatum* est septimus dies, quo Deus desit creare novas species, & in creatis acquieuit.

L O C U S XVII.

*De gubernatione mundi in genere.*

1. **G**ubernatio mundi consideratur in genere & in specie.

*In*

In genere spectatur in modo seu affectione, & diuisione generali.

2. *Affectio gubernationis*, seu prouidentiae actualis, est, occupari circa omnia & singula, solo nutu, sapienter, potenter, iuste, & valde bene.

3. *Diuisio generalis* est ratione partium, & modi.

4. *Partes gubernationis* sunt actio & permissio Dei, conseruatio & destructio rerum & virium, motio & cohibitio earundem, concursus Dei & cessatio concursus, &c.

5. *Ex modo gubernatio* est

I. generalis, vel specialis. Illa etiam vniuersalis; haec, particularis dicitur.

II. immediata, vel mediata.

III. efficiens, vel permittens: seu, effectiua, vel permissiua.

IV. ordinaria, vel extraordinaria; & hic sunt miracula.

6. *Miracula* spectantur in conditionibus seu affectionibus & diuisionibus suis. *Conditiones* sunt: esse euidentia, vera, supra vires naturae creatae, directa ad finem bonum. *Diuisiones* sunt, quod miracula sunt vera, vel falsa; & illa immediata, vel mediata; priuatiua, vel positiua; Dei, Christi Θεου, Θεωπια, & seruorum Dei atque Christi; Βελτιωσις, vel ελαττωσις, &c.

## L O C U S XVIII.

De gubernatione creaturarum non-  
intelligentium.

**G**ubernatio mundi in specie est creatura-  
rum non-intelligentium, vel intelli-  
gentium.

1. Gubernatio creaturarum non-intelligen-  
tium cernitur in continuo influxu Dei, &  
seruitute seu vanitate ipsarum creatura-  
rum. Legantur hic *historia naturales*.

2. Continuus Dei influxus spectatur in  
partibus & obiectis suis.

3. Partes influxus diuini sunt perennitas,  
& successio. Perennitas est rerum illarum,  
quæ permanent: vt cœli, terræ, maris, & o-  
mnium specierum. Successio est rerum illa-  
rum; quibus intereuntibus aliæ eiusdem  
speciei; continenter succedunt.

Obiecta influxus diuini sunt mundus su-  
perior & inferior, seu regio cœlestis & ele-  
mentaris.

4. *Mundus superior* à Deo regitur & cō-  
seruatur ferè immediatè, secundùm ordi-  
nem creationis.

5. *Mundus inferior* à Deo regitur & con-  
seruatur fere mediatè, iuxta ordinem in  
creatione à se institutum.

*Mediatè*, inquam, ita, vt Deus vtatur  
C mediis

mediis cœlestibus, vel elementaribus.

6. *Mediis caelestibus* utitur Deus tum in collustratione regionis elementaris, tum in affectione eius multiplici, eaque vel sensibili, vel occulta. *Affectio sensibilis* est in calefactione, & vicissitudine temporũ, in diversis zonis; item in serenitate & tempestate varia: ita ut hic sit gubernatio ordinaria, & extraordinaria, seu constans & inconstans. *Affectio occulta* fit in sensili virtute stellarum, quam influentiam vocant: cuius manifestum documentum est in luna.

7. *Mediis elementaribus* utitur Deus tum ad ipsa elementa, tum ad corpora ex elementis composita.

8. *Ad elementa*, in primis ad aerem & terram. *Ad aerem*, videlicet expurgandum, exsiccandum, vel humectandum utitur meteoris igneis, æthereis, & aqueis. *Ad terram*, videlicet humectandam & irrigandam, utitur meteoris aqueis.

9. *Ad corpora ex elementis composita*, ut ad mineralia, vegetabilia, & animalia.

10. *An mineralia* sub terra coquenda utitur humore & calore. Itaque ipsorum gubernatio est occulta seu latens.

11. *Ad vegetabilia* nutrienda & vegetanda utitur succo terræ, tanquam lacte, & meteoris aqueis.

12. *Ad*



12. *Ad animalia nutrienda & alenda utitur cibo & potu, id est, mineralibus, vegetabilibus & ipsismet animalibus. Immediatè quoque gubernat animalia, dum ea vi illis insita mouet ac regit.*

13. *Seruitus, seu vanitas, creaturarum non-intelligentium, est iudicium Dei, quo illæ maledictioni & corruptioni factæ sunt obnoxia propter hominis lapsum. Gen 3. Rom. 8.*

## L O C U S XIX.

### De gubernatione creaturarum intelligentium in genere.

1. **G**ubernatio creaturarum intelligentium spectatur in genere, & in specie, ut est tum angelorum tum hominis.

*In genere hic est modus docendi & implendi Deo dignus. Vtrique respondere debet officium creatura rationalis.*

2. *Modus docendi Deo dignus in genere est sine conditione, vel cum conditione, eaq; expressa, vel intellecta: item, simplex, vel ex pluribus compositus: in specie, est ante vel post officium creaturarum intelligentium. Ante officium illarum, est narratio, hortatio, legislatio ( eaque vel*

C 2 præ-

Ad

præceptio, vel interdictio, vel concessio, sub qua continetur consilium) & sanctio, quæ est promissio, vel comminatio. Vbi non extat sanctio, ibi est intelligenda indulgentia. Post officium illarum, est approbatio & commendatio, improbatio & reprehensio, excusatio & absolutio, denique accusatio & condemnatio.

3. *Modus implendi Deo dignus* est præmium seu beneficium, vel pœna seu iudicium; impeditio vel permissio; & denique toleratio.

*Officium creaturarum intelligentium* est circa modum docendi & implendi.

4. *Officium circa modum docendi* est fides, circumscriptio, obedientia, spes, suspensio fidei & spei, lætitia & tristitia.

5. *Officium circa modum implendi* est gratitudo, humilitas, rectus vsus liberi arbitrii, & pœnitentia.

## L O C V S XX.

### De angelis.

1. **G**ubernatio angelorum sequitur: estque angelorum in genere, vel in specie bonorum & malorum.

2. *Angeli in genere* sunt æquales ex creatione: vbi sunt ipsorum proprietates inseparabiles; & dotes separabiles,

3 Pro-

3. *Proprietates angelorū inseparabiles sunt* essentia merè spiritualis, immortalitas, summa vis intellectus & voluntatis & potentia agendi expedita.

4. *Notes separabiles sunt* virtus & beatitudo. Ibi est sapientia in intellectu, & sanctitas in voluntate, hic est gloria & gaudium.

5. *Angeli boni* considerantur communiter, & singulariter.

*Communiter* in iis spectantur causa efficiens bonitatis, & ipsorum propria tum adiuncta, tum effecta.

6. *Causa efficiens bonitatis eorum primaria* est electio & sustentatio diuina: *secundaria*, voluntas ipsorum.

7. *Propria adiuncta* sunt eximia claritas, & veritas notitiæ in intellectu, & excellens amor boni in voluntate, & inde omnia singularis gloria in conspectu Dei.

8. *Propria effecta* bonorum angelorum sunt respectu Dei, ipsorum bonorum angelorum, malorū angelorum, totius mundi, & hominum electorum vel reproborum.

9. *Singulariter in bonis angelis* occurrit ipsorum numerus & distinctio, eaque ordinaria & extraordinaria. Illa est in hierarchia, hæc in ministerio seu legationibus.

10. *Angeli mali* considerantur communiter & singulariter.

*Communiter* in iis spectantur causa malitiae, propria adiuncta & effecta, denique poena.

11. *Causa malitia angelorum* est petulans abusus liberi arbitrii Iohan. 8. 44. Iudic. vers. 6.

12. *Propria adiuncta* sunt obscuritas & dubitatio in intellectu; auersio à Deo & contumacia in voluntate; denique deformitas longe maxima in actionibus.

13. *Propria effecta malorum angelorum* sunt vera, vel falsa seu praestigiatoria: & vera rursus sunt respectu Dei, bonorum angelorum, ipsorummet malorum angelorum, totius mundi, & hominum electorum vel reproborum.

14. *Poena ipsorum* est interna vel externa. *Interna* est in priuatione donorum primitivorum, cui successit horribilis corruptio & laxitas in viribus & actionibus: *externa* est tum in eiectione ipsorum è cælo, tum in abiectiōe perpetua.

15. *Singulariter in malis angelis* occurrit ipsorum numerus & distinctio, eaque ordinaria & extraordinaria. Illa est in ordine, quo alius est princeps, alii subditi; hæc in effectis & operarum distributione.

Locvs XXI.

De imagine Dei.

1. **G**ubernatio hominis alia est ante lapsum, alia post lapsum.

Gubernatio hominis ante lapsum cernitur in imagine Dei & foedere naturæ.

2. Imago Dei in homine non fuit *ouσiωδus*, substantialis, quomodo Filius Dei est imago Patris; sed *μικρὸν* & accidentaria, quomodo etiam est in angelis.

Imago Dei in homine alia est naturæ, alia gratiæ. Illa est inseparabilis; hæc, separabilis.

3. Imago Dei, qua dicitur natura, in homine spectatur quantum ad animæ substantiam spirituales, simplicem & immortalem; animæ facultates, intellectum & voluntatem; lumen naturæ in intellectu; libertatem in voluntate; & corporis structuram & staturam.

4. Imago Dei, qua dicitur gratia; in homine consistebat in quatuor rebus:

I. In intellectu erat eximia sapientia, & integra cognitio Dei ac operum eius.

II. In voluntate erat iustitia & sanctitas originalis.

III. In corpore erat dispositio partium

tium perfecta, temperamentum eximium, egregia pulchritudo, imperatoria maiestas, & immortalitas.

IV. *In toto homine* erat felicitas, quæ cōplectebatur ista quatuor: 1. sanctissimam communionem & familiaritatem cū Deo. 2. omnium bonorum, habitationis amœnissimæ, ciborum optimorum &c. affluentiam. 3. imperium in omnia animalia absolutissimum. 4. immunitatem ab omni labore & molestia plenissimam.

## LOCVS XXII.

### *De fœdere natura.*

1. **F**œdus *natura*, quod alias fœdus creationis, operum, & religionis naturalis dici solet, consideratur vt institutum, & violatum.

2. *Fœdus natura institutum* continetur actionibus Dei creatoris, & hominis.

3. *Actiones Dei* sunt quatuor:

I. *Concessio*. Gen. 1. v. 28 29. 30. c. 2. v. 16.

II. *Legislatio*. Gen. 2. v. 16. 17.

III. *Promissio*: quam Deus obsignauit sacramento arboris vitæ. Gen. 3. v. 22.

IV. *Comminatio*: cui addita fuit arbor scientiæ boni & mali, tanquam signum experiundi boni & mali, atque adeo experiondæ mortis, his qui fructu eius vescerentur. Gen. 2. v. 16. 17.

4. *Actio*

4. *Actiones hominis* debebant esse fides;  
& obedientia propriis viribus præstanda.

5. *Fœdus natura violatum* est per transgressionem legis à Deo latæ Genes. 2. vers. 16. 17.

L O C U S XXIII.

*De libero arbitrio.*

**G**ubernatio hominis post lapsum spectatur:  
in libero arbitrio, peccato, & aliqua  
repressionè peccati.

1. *Liberum arbitrium* consideratur communiter, vel singulariter.

2. *Liberum arbitrium communiter spectatum* est immune à coactione.

3. *Immunitas à coactione* alia est determinationis, alia indifferentiæ, & illa est determinationis felicitis, vel infelicitis; hæc est libertas contradictionis seu exercitii, vel contrarietatis seu specificacionis.

4. *Liberum arbitrium singulariter* est tum Dei creatoris, tum creaturæ rationalis.

5. *Liberum arbitrium Dei* est α τεζουσιον και πανεζουσιον.

6. *Liberum arbitrium creaturæ rationalis* aliud est ante lapsum, aliud post lapsum.

7. *Liberum arbitrium creaturæ rationalis* ante lapsum erat, quod in utramq; partem,

C 55 hoc

hoc est, ad bonum vel malum inclinare poterat.

8. *Liberum arbitrium creature rationalis post lapsum, aliud est angelorum, aliud hominis.*

*Liberum arbitrium angelorum est tum bonorum, tum malorum.*

9. *Angelorum bonorum liberum arbitrium hic esse cœpit, & est ad bona tantum.*

10. *Angelorum malorum liberum arbitrium hic esse cœpit, & est ad mala tantum.*

*Liberum arbitrium hominis post lapsum bifariam consideratur: ut est in hoc seculo, & ut erit in altero.*

*Liberum arbitrium hominis in hoc seculo aliud est in homine non-renato, aliud in renato.*

11. *Liberum arbitrium hominis non-renati est ad mala tantum in spiritualibus, & ad mala fere in moralibus & civilibus. Hinc ab Augustino appellatur seruum & captiuatum lib. 2. contra Iulianum, & ad Bonifac. lib. 1. c. 3. & lib. 3. cap. 8.*

12. *Liberum arbitrium hominis renati est partim ad bonum, partim ad malum. Augustino dicitur arbitrium liberatum lib. 3. ad ad Bonif. c. 8. scil. ex parte.*

*Liberum arbitrium hominis in altero seculo*  
erit



erit tum beatorum, tum damnatorum.

13. *Liberum arbitrium hominum beatorum in altero seculo erit ad bonum tantum.*

14. *Liberum arbitrium hominum damnatorum in altero seculo erit ad malum tantum.*

## L O C U S XXIII.

### De peccato & poena peccati.

1. **P**eccatum consideratur in genere, & in specie.

*Peccatum in genere spectatur in natura, gubernatione, & effectis suis.*

2. *Natura peccati est in ortu & modo eius.*

3. *Ortus peccati non est à Deo, sed à creatura rationali libere deficiente à Deo.*

4. *Modus peccati est in materiali & formali eius. Materiale est qualitas, actio, vel passio: formale, ἀραξία seu ἀνομία.*

5. *Gubernatio peccati est actio Dei circa initium, progressum, & consummationem peccati.*

6. *Gubernatio Dei circa initium peccati est partim concursus actionis Dei cum actione creaturæ, partim impeditio vel*

permissio auctus mali, partim administra-  
tio & oblatio argumentorum & occasio-  
num.

7. *Gubernatio Dei circa progressum peccati*  
est directio & determinatio.

8. *Gubernatio Dei circa consummationem*  
*peccati* est punitio, vel remissio.

9. *Effecta peccati* sunt reatus, & pœ-  
na.

10. *Reatus* est alius culpæ, alius pœnæ.

11. *Pœna peccati* est varia. Nam *ratione*  
*medi* est interna, vel externa; propriè, vel  
analogicè dicta; spiritualis, vel corporalis;  
originalis, vel aduentitia; ordinaria, vel  
extraordinaria; immediata, vel media-  
ta; nuda pœna, vel simul etiam peccatum;  
priuatio gratiæ habitualis, vel assistentis;  
damni, vel sensus: *ratione temporis*, est tem-  
poralis, vel æterna: *ratione gradus*, maior,  
vel minor: denique *ratione subiecti recipi-*  
*entis*, est angelorum malorum, vel homi-  
num piorum aut impiorum.

*Peccatum in specie* est primum, vel or-  
tum.

12. *Peccatum primum* est lapsus tum an-  
gelorum quorundam, tum primorum ho-  
minum Adami & Eviæ.

13. *Peccatum ortum* est corruptio crea-  
turæ rationalis, lapsum secuta. Estque na-  
turale, vel actuale.

14. *Pœ-*

14. *Peccatum naturale*, seu in natura hærens, est partim defectus iustitiæ originalis, partim parua inclinatio seu concupiscentia.

Estque tum angelorum malorum, tum hominis.

15. *Peccatum naturale angelorum malorum* est carentia sapientiæ & iustitiæ originalis inesse debitæ, & inclinatio seu propensio ad malum, quæ statim à lapsu in eis, omnibus simul extitit.

*Peccatum naturale hominis* est tum Adami & Evæ, tum posterorum.

16. *Peccatum naturale Adami & Evæ* est corruptio illa, quæ fit tum à lapsu in eis, extitit: hoc est, carentia sapientiæ ac iustitiæ originalis, & prava concupiscentia.

17. *Peccatum naturale posterorum Adami & Evæ*, ipsis per naturalem propagationem inheret: vnde *peccatum originis*, seu *originale*, in ecclesia dicitur.

*Eius partes* duæ sunt: videlicet defectio in lambis primorum parentum, seu imputatio defectiois illius; & corruptio, quæque tum defectus iustitiæ originalis, tum prava concupiscentia, seu propensio ad malum.

18. *Peccatum actuale* est malorum angelorum, vel hominis.

19. *Peccatum actuale malorum angelorum est irremissibile & mortale.*

20. *Peccatum actuale hominis variè diuiditur ex causis, effectis, subiectis, & adiunctis suis.*

I. *Ex causis* : peccatum actuale est per se, vel per accidens : ex scientia, vel ex ignorantia profectum : infirmitatis, vel malitiæ : omissionis, vel commissionis : voluntarium, vel inuoluntarium, &c.

II. *Ex effectis* : peccatum actuale est regnans, vel non-regnans : vastans conscientiam, vel non : offendens alium, vel non, & illud dicitur *scandalum*.

III. *Ex subiectis* : peccatum actuale committitur aduersus Deum, vel hominem : est internum, vel externum : committitur aduersus legem, vel euangelium ; & illud aduersus primam, vel secundam tabulam, &c.

IV. *Ex adiunctis* : peccatum actuale est remissibile, vel irremissibile : clamans, vel non : dulcescens, vel sordescens : viuum, vel mortuum : mortale, vel veniale : magnum, vel paruum, &c.

## L O C U S XXIV.

## De lege.

1. **R**epressio peccati, qua fit in regno providentia, est generalis seu communis, vel specialis seu propria.

Repressio generalis fit per legem.

1. Lex est archetypa, vel ectypa.

3. Lex archetypa est sanctissima Dei natura.

4. Lex ectypa consideratur communiter, & singulariter.

Communiter in affectionibus suis & divisionibus generalibus.

5. Communes affectiones legis ectypa sunt in perfectione ipsius, & rigida exactione.

6. Divisiones generales legis ectypa, sunt: quod est communis, vel propria; æterna, vel temporaria, seu immutabilis, vel mutabilis; simplex, vel mixta, &c.

Singulariter lex ectypa est non-scripta, vel scripta seu positiua.

7. Lex non-scripta est lex naturæ.

8. Lex scripta est diuina, vel humana.

9. Lex diuina est moralis, ceremonialis, vel iudicialis siue forensis.

10. Lex moralis consideratur quantum ad summam & usum.

11. Summa

11. *Summa legis moralis est decalo us: cuius occurrit promulgatio, corruptio Pharaica, & asserio à corruptela Matth. 5.*

12. *Usus legis moralis est in statu innocentiae, miseriae, gratiae, & gloriae.*

13. *Lex ceremonialis consideratur ratione vigoris, antiquationis, & usus in N. Test.*

14. *Lex Mosaica forensis est purè forensis, vel mixta; & hæc est vel forensis & ceremonialis, vel forensis & moralis.*

15. *Lex humana, seu ciuilis, est legitima, vel illegitima.*

## L O C U S XXV.

### De coniugio.

**R**epressio peccati propria fit in societate œconomica, politica, vel scholastica.

*Societas œconomica prima est in coniugio.*

1. *In coniugio spectantur ista tria: quomodo contrahatur, colatur, & dissoluatur. Legantur hic historia œconomica.*

2. *Circa coniugium contrahendum attenditur prima eius institutio, personarum contrahentium conditio, & modus contrahendi.*

3. *Prima institutio coniugii est Gen. 2.*

4. *Conditio personarum contrahentium*  
coniugii.

coniugium, siue sint politicæ, siue ecclesiasticæ est tum pubertas, tum legitimus consensus.

5. Pubertas; videlicet vt per ætatem sint aptæ & habiles ad coniugium.

6. Consensus legitimus est voluntas è sano iudicio profecta, cum lege Dei & naturæ; ac honestis hominum constitutionibus consentiens.

Lex Dei & natura cum honorem erga parentes, tum pudorem & reuerentiam sanguinis requirit.

7. Honor parentibus prestatur, si liberi consilio & voluntate ipsorum matrimonium contrahant.

8. Pudor & reuerentia sanguinis requirit, ne cum nimis propinquis contrahatur matrimonium.

9. Propinquitas illa est in consanguinitate & affinitate.

10. Consanguinei discernuntur gradibus & lineis.

11. Gradus est generatio personæ.

12. Linea est series graduum Estq; recta, vel transuersa. Linea recta est ascendens, vel descendens. Linea transuersa, quæ etiam dicitur obliqua & collateralis, est æqualis, vel inæqualis.

13. Affines etiam discernuntur gradibus & lineis. Etsi enim affines, ab affinibus non  
gene-

generantur: tamen quia affinitas est simulacrum quoddam consanguinitatis, similitudine quadam gradus & lineæ dicuntur, & eodem modo, quo in consanguinitate, numerantur & distinguuntur.

14. *Honestæ hominum constitutiones* sunt, quæ ob ecclesiasticum vel politicum finem, pro circumstantiis locorum, temporum, & personarum ab ecclesia vel magistratu sanciantur.

15. *Modus contrahendi coniugium* eternitur in promissione & consummatione. Hinc coniugium est promissum, vel consummatum.

16. *Coniugium promissum* appellamus *sponsalia*.

17. *Coniugium consummatum* est in ipsa coniugum cohabitatione: quæ solet nuptiarum ritu sanciri.

18. *Coniugium colitur* meditatione finis coniugii, & mutuis officiis coniugum.

19. *Finis coniugii* est proprius, vel accessorius. Ille est procreatio liberorum, & intima duorum hominum familiaritas atq; communio: *hic* est, ut coniugium sit remedium aduersus uisionem.

20. *Officia coniugum mutua* sunt vel uariisque communia, vel alterutrius propria.

21. *Dissoluitur*, siue dirimitur, *cōiugium*, quod



quod per se nullum esse declaratur, aut quod rescinditur, siue sit promissum, siue consummatum.

22. *Coniugium nullum esse declaratur, quando vitium est in consensu contrahentium, aut in personis contrahentibus. In consensu: cum ille est turpis, vel iniustus. In personis: quando corrupta deprehenditur, quæ pro virgine nupsit; aut quando altera persona est inhabilis.*

23. *Inhabilitas ista est à natura, vt in frigidis: à morbo, vt in fascino: à violentia externa, vt in læsione genitalium &c.*

24. *Coniugium promissum dissoluitur repudio: consummatum, diuortio: utrumque, morte.*

25. *Repudium fieri potest, quando post legitimum consensum in personis vitium superuenit: vt est furor, morbus contagiosus vel hæreditarius, infamia ob flagitium perpetratum &c.*

26. *Diuortium fit duobus modis: dimissione, & desertione.*

27. *Dimissionis causa est vna tantum de iure diuino, videlicet adulterium: de iure ciuili sunt etiam aliæ, vt morbus contagiosus, veneficium, &c.*

28. *Desertio hic intelligitur malitiosa.*

29. *Mor-*

29. *Morte* dissoluitur coniugium, siue promissum, siue consummatum.

## L O C U S XXVI.

### De magistratu.

1. **I**n societate politica sunt magistratus, & subditi. Legantur hic *historia politica*.
2. *Magistratus* occurrit vocatio, & functio.
3. *Vocatio magistratus* est immediata, vel mediata; ordinaria, vel extraordinaria; simplex vel mixta, &c.
4. *Functio magistratus* spectatur in fundamento, partibus, & speciebus suis.
5. *Fundamentum functionis* sunt bona animi, corporis, & fortunæ, quæ requiruntur in magistratu.
6. *Partes functionis* sunt tum ratione magistratus superioris & inferioris, itemque ratione rerum diuinarum & humanarum; tum tempore pacis. vel belli.
7. *Functio magistratus tempore pacis* fit extra iudicium, vel in iudicio.
8. *Functio magistratus tempore belli* spectat belli antecedentia, connexa & consequentia.
9. *Species functionis* sunt monarchia, aristocratica, & democratia.
10. *Subditi* sunt vel merè subditi, vel pote-

pote  
est a  
inui

1. I

schol  
in fo

2

ctio

3

ter a

stia

biqu

4

dam

cii.

5

præ

D

E

E

E

E

E

E

E

E

potestate aliqua præditi. *Officium ipsorum* est aliud erga magistratum, aliud erga se inuicem.

LOCVS XXVII.

*De scholis.*

1. **I**n societate scholastica sunt præceptores, & discipuli. Legantur hic *historia de scholis*, item *de sacris gentilium*. Ea siquidem in scholis suis tradiderunt.

2. *Præceptorum* occurrit vocatio, & fun-ctio.

3. *Vocatio præceptorum* consideratur aliter apud Iudæos in V. T. aliter apud Christianos in N. T. aliter apud gentiles utro-bique.

4. *Functio præceptorum* spectatur in fun-damento, id est, requisitis; & partibus offi-cii.

5. *Discipulorum officium* est aliud erga præceptores, aliud erga se inuicem.

LOCVS XXVIII.

*De executione predestinationis circa angelos in hac vita.*

**E**xposita est executio decreti prouidē-tiæ: sequitur executio decreti predestina-tionis,

tionis, quæ fit in hac vita, vel post hanc vitam: & illa occupatur circa angelos, tum bonos, tum malos; hæc, circa homines.

2. Executio predestinationis circa angelos bonos in hac vita cernitur in statu & officio ipsorum.

3. Status bonorum angelorum est semper videre faciem Patris cœlestis, Matth. 18.

4. Officium ipsorum est quantum ad Deum, Christum, homines electos Vet. & N. T. denique reprobos.

5. Executio predestinationis circa malos angelos in hac vita similiter cernitur in statu & ministerio ipsorum.

6. Status illorum est, versari in perpetua miseria, siue in inferno detineantur, siue inde emittantur ad exercendum iudicia Dei.

7. Ministerium ipsorum est circa homines electos & reprobos.

## L O C U S XXIX.

### De fœdere gratiæ.

1. **E**xecutio predestinationis circa homines in hac vita, respicit electos & reprobos: & hi vel non vocantur ad communionem gratiæ vel vocantur. Vide sparsim loc. seqq.

seqq. ex quibus colligi potest benedictio spiritualis hypocritarum, & maledictio spiritualis tum hypocritarum, tum non-vocatorum; puta desertio, excæcatio, induratio &c.

*Homines electi* assumuntur in fœdus gratiæ.

2. *Fœdus gratiæ* spectatur in forma, fundamento & applicatione sui.

3. *Forma fœderis gratiæ* est interna, vel externa.

4. *Forma interna* consistit in substantia fœderis gratuiti, quæ cernitur in gratiosa obligatione tum Dei, tum hominis. *Ibi* est promissio; *hic*, repromissio: utraque gratuita.

5. *Promissio Dei gratuita* est de remissione peccatorum, & de inscriptione legis in corda nostra.

6. *Repromissio hominis gratuita* est de fide & noua obedientia. Hæc repromissio dicitur gratuita, quoniam homo eam facit & præstat ex gratia Dei.

7. *Forma externa* est in œconomia seu administratione varia in Veteri & Novo Testam.

8. *Œconomia fœderis gratiæ in V.T.* fuit in operosa & onerosa, itemque contracta ad certum populum. In oneribus istis excellunt festa & sacrificia.

9. *Festa*

9. *Festa V.T.* erant sabbatum, Pascha, Pentecoste, Scenopegia, festum tubarum, &c.

10. *Sacrificia V.T.* erant ἱλαστικά, propitiatoria, vel ἄχαριστικά. *Sacrificium propitiatorium*, seu expiatorium, erat vniuersale, vel particulare. *Vniuersale*, seu Ἀγαλλοεικόν, erat, quo omnium peccatorum in Christo expiatio significabatur, & obsignabatur. Dicitur holocaustum, brandopfer. Erat autem animalium maiorum, vt bouis, agni &c. vel minorum, vt turturum. *Particulare*, seu δ'πολυτεωλικόν, erat, quo certorum quorundam peccatorum expiatio significabatur & obsignabatur. Erat autem duplex: vnum *pro peccato*, alterum *pro delicto*. *Sacrificium eucharisticum* erat simplex, vel mixtū. *Simplex* vno rerum offerendarum genere constabat: & erat *hostia pacificorū*, danck' offer; vel *oblatio*, speißopfer: *mixtum*, lobeopfer/ex diuersis rerum generibus constabat, vt ex animalibus & terræ frugibus.

11. *Oeconomia fœderis gratia in N.T.* est facillima & latissimè patens. Sub initium fuerunt tria ipsius curricula. 1. à Iohanne Baptista vsque ad primam N. T. Pentecosten. 2. inde vsque ad excidium politix Iudaicæ. 3. inde ab isto excidio. Hinc *epocha N.T.* aliter atque aliter figi solet.

LOCVS XXX.

De Christo mediatore.

1. **F**undamentum fœderis gratiæ est Christi mediator cuius occurrit persona, & officium.

*Circa personam & officium Christi oportet spectare rem ipsam & phrasin.*

*Res ipsa est quantum ad personam & officium Christi absolute, vel ratione status atque cultus.*

2. *Persona Christi constat ex duabus naturis diuina & humana.*

*Naturarum istarum spectatur veritas, & unio.*

3. *Veritas elucescit ex proprietatibus.*

4. *Proprietates diuina natura in Christo sunt essentielles, vel personales.*

5. *Proprietates humana natura in Christo sunt essentielles seu perpetuæ, vel accidentales seu temporariæ: & ut æque sunt vel totius nature humanæ, vel alterutrius partis, videlicet animæ, vel corporis.*

6. *Unio naturarum est personalis seu hypostatica.*

*In ea spectatur modus & effectum.*

*Modus unionis consistit in incarnatione, & eius adiunctis.*

7. *Incarnatio est in conceptione, assumptione, & natiuitate.*

D

8. Con-

8. *Conceptio* est, qua Filius Dei factus est verus homo in utero virginis Mariae, per operationem Spiritus sancti; quæ est tum in formatione fœtus, seu humanæ naturæ, tum in illius sanctificatione.

9. *Assumptio humana natura* est, qua solus Dei Filius humanam illam naturam à primo conceptionis momento, sibi associavit in suam hypostasim.

10. *Natiuitas* est, qua fœtus ille in lucem est editus.

11. *Adiuncta unionis hypostaticæ* sunt, quod facta est *ἀσυχύτως καὶ ἀρέτως, ἀδιαιρέτως καὶ ἀχωρίτως*. Quidam addunt, *ἀδιάστως*.

12. *Effectum unionis hypostaticæ* est ratione personæ, & humanæ naturæ. Vbi est *communio*, eaq; tum naturarum, tum proprietatum, scil. in persona: hic sunt *donæ* humanæ naturæ.

13. *Officium Christi* spectatur in se. & beneficiis.

*Officium Christi in se spectatum* est triplex: propheticum, sacerdotale, & regium.

14. *Officium Christi propheticum* spectatur in partibus, & administratione. *Partes* sunt promulgatio externa euangelii, & interna illuminatio cordis. *Administratio*



*Stratio* spectatur *tum* in Vet. Testam. ubi Christus ordinarie docuit per sacerdotes & seruos suos; extraordinarie, apparendo patribus: *tum* in Nouo Testamento ubi Christus docuit in Iudæa, & hodie nos docet per seruos suos: *tum* denique in cælo, ubi docet sanctos angelos & homines.

15. *Officium Christi sacerdotale* positum est in satisfactione, & intercessione. *Satisfactionis* partes sunt obedientia actiua & passiua. *Intercessio* est in statu exinanitionis, & exaltationis.

16. *Officium Christi regium* positum est in regno œconomico: cuius administratio cernitur in collectione ecclesiæ, eiusq; defensione.

17. *Status Christi* est duplex, exinanitionis & exaltationis. Vterque concernit personam, & officium ipsius.

18. *Status exinanitionis* cernitur in incarnatione, actionibus, & passionibus Christi.

19. *Status exaltationis* positus est in resurrectione ex mortuis, ascensione in cælum, sessione ad dextram Patris, & reditu ad iudicium.

20. *Cultus Christi mediatoris* positus est in fide, adoratione, & inuocatione speciali quæ fit in baptismo. Adoratio facta

D 2 est

est & fit in statu exinanitionis & exaltationis; & continetur petitione atque gratiarum actione.

21. *Phrasis*, seu prædicatio, hic est modus loquendi, quo scriptura de persona, officio, & statu Christi loquens, uti solet.

*In phrasi* hac spectantur partes & genera ipsius.

22. *Partes* phraseos sunt subiectum, & prædicatum. *Subiectum* exprimitur vocabulis concretis, vel abstractis. *Concretis*: ut sunt Immanuel, λόγος, filius hominis, mediator, ego, hic. *Abstractis*: ut sunt caro, corpus, sanguis Christi. *Prædicatum* concretis plerumque vocabulis exprimitur, quandoque etiam abstractis. Est autem prædicatum proprium, vel commune. *Proprium* est nomen personæ & proprietatis personalis, ut esse filium Dei, filium hominis, natum esse ab æterno à Patre, & in tempore ex matre: vel naturæ, & proprietatis actionisque naturalis, ut esse Deum, hominem, æternum, circumscriptum, creare, edere. *Commune* est nomen significans officium aut statum Christi, ut esse mediatorem, humiliari, exaltari, sedere ad dextram Patris.

23. *Genera prædicationis* duo sunt: ἰδιοποιία seu ἰδιοπρίσις & κεινοποιία. *Alla* est, quando prædicatum naturæ proprium, de per-

sona

sona enuntiatur, vt, Christus est homo, est æternus, est mortificatus carne &c. Deus acquisiuit suo sanguine ecclesiam, &c: *hæc* est, quando prædicatum vtrique naturæ commune, communi quoque nomine de persona enuntiatur; vt, Christus est panis vitæ, sacerdos, redemptor, &c. Ad *ἰδιωματίας* pertinet *ἡ ἰδιωματίας ἰδιωματίας*, *communicatio idiomatum*, quæ dicitur.

## L O C U S XXXI.

## De euangelio.

1. **A**pplicatio fœderis gratia fit per promulgationem & obsignationem ipsius.

2. Promulgatio fœderis gratiæ fit per euangelium in ecclesia.

3. *Euangelium* consideratur absolute, & comparatè.

4. *Euangelium* absolutè spectatur in sua substantia, quæ in eo vertitur, vt sit mysterium de salute nostra per Christum.

5. *Euangelium* comparatè spectatur partim in sua œconomia, partim in collatione cum lege.

6. *Œconomia euangelii* alia est atque alia in V. & N. T. Vnde euangelium diuidi solet in vetus & nouum. *Euangelium vetus* est in promissionibus, typis, & ceremoniis, præcipueque in sacrificiis: *nouum* est de Christo iam exhibito.

7. Collatio euangelii cum lege cernitur in  
conuenientia & differentia.

## L O C U S XXXII.

### De ecclesia.

**E**cclesia spectatur in se, & oppositè  
quantum ad hostes. Illa est vera, hæc  
falsa.

*Ecclesia in se spectatur ratione collectio-  
nis, & gubernationis.*

*Collectio ecclesie cernitur in varietate, v-  
nitate, & veritate.*

2. *Collectio ecclesie quantum ad varia-  
tatem est alia ratione modi, alia ratione tem-  
poris. Unde oritur varia partitio eccle-  
siae.*

3. *Ratione modi ecclesia est:*

I. *inuisibilis, vel visibilis.*

II. *catholica, vel particularis: & illa est tri-  
umphans vel militans.*

I. I. *pura, vel impura.*

IV. *publica, vel priuata.*

4. *Ratione temporis ecclesia est V. vel N.  
Test.*

5. *Vnitus ecclesia est ratione capitis, &  
membrorum.*

6. *Caput ecclesie catholicae & inuisibilis, est  
solus Christus: particularis & visibilis, est  
præpositus ecclesiae.*

7. *Mem-*

7. *Membra ecclesie catholica & inuisibilis,* sunt soli electi, iam congregati ad ecclesiam, siue sint perfecti, siue infirmi: *particularis & visibilis ecclesia membra* sunt promiscue credentes & hypocritae.

8. *Veritas ecclesie cognoscitur ex notis:* quarum *alia* concernunt ecclesiam inuisibilem, siue sit catholica, siue particularis: *alia* visibilem. *Ibi* sunt fides, spes, & caritas: *hic* est conseruatio verbi Dei & sacramentorum; & *illius* quidem praedicationis, *horum* vero administratio, si ecclesia sit publica.

## L O C U S XXXIII.

### De vocatione.

**G**ubernatio ecclesie est principalis, vel ministerialis. *Illae* est interna, vel externa *haec* externa tantum.

*Principalis gubernatio ecclesie* est in dispensatione beneficiorum Dei; quorum *alia* sunt principalia, *alia* accessoria.

2. *Beneficia Dei principalia erga ecclesiam* sunt spiritualia.

*Suntque* prima, vel orta: & *illa* sunt numero tria, vocatio, iustificatio, & sanctificatio.

3. *Vocatio* spectatur in se, & effectis suis.

Vocatio in se s̄ estatur ratione modi & latitudinis.

4. Ratione modi vocatio est

I. efficax, vel inefficax.

II. interna, vel externa: & illa posita est in separatione peccatoris è mundo, atque illius infusione in Christum.

I. I. immediata, vel mediata.

IV. ad communionem gratia tantum, vel ad communionem gratia & gloria simul.

5. Ratione latitudinis vocatio est communis, vel propria. Et illa est Iudæorum, vel Gentium. Vocatio Iudæorum rursus est alia V. alia N. T.

## L O C U S XXXIV.

### De fide.

1. **E**ffecta vocationis sunt fides, & sanctitas.

2. Fides est historica, miraculorum, temporaria, vel saluifica.

3. Fides historica, seu dogmatica; est vniuersalis, vel particularis. Illa respicit totum Dei verbum, hæc, aliquam eius partem.

4. Fides miraculorum est actiua, vel passiva.

5. Fides temporaria spectatur in convenientia & differentia cum fide saluifica.

6. Fides saluifica spectatur in ortu, natura, & gradu suo.

7. Or-

7. Ortus eius est immediatus & extraordinarius, vel mediatus & ordinarius.

8. Natura fidei salvifica spectatur in essentia & efficientia i suis.

9. Essentia eius est *ἡ ἀνεργία*, seu specialissima persuasio & applicatio gratiae salutaris in Christo.

10. Efficientia ipsius est, quod ex se parit fiduciam, spem, charitatem, & gaudium.

11. Gradus fidei salvificae est infimus, medius, & summus.

LOCVS XXXV.

De sanctitate.

1. Sanctitas, quae existit ex vocatione, a analogia est fidei. Proinde est vera, vel pparens.

2. Sanctitas vera respondet fidei salvificae. Estque alia imputata, alia inhærens.

3. Sanctitas imputata cernitur in iustificatione.

4. Sanctitas inhærens est inchoata, vel consummata.

5. Sanctitas inchoata est in sanctificatione.

6. Sanctitas consummata est in glorificatione.

7. *Sanctitas apprens.* respondet fidei *Historicæ*, miraculorum, & temperariæ.

L O C U S. XXXVI.

De iustificatione.

1. **I**ustificatio hominis coram Deo spectatur: communiter & singulariter.

*Communiter* in forma & adiunctis suis.

2. *Iustificationis forma* est absolutio hominis in mente Dei, eiusq; sensus viuis in corde hominis.

3. *Adiuncta* sunt: quòd hæc iustificatio est vera, completa, efficax & vniuersalis.

*Singulariter* iustificatio hominis coram Deo est legalis, vel euangelica.

4. *Iustificatio legalis* consideratur in Adamo ante lapsum, & in humana Christi natura.

5. *Iustificatio euangelica* locum habet in omnibus & solis credentibus.

Eius occurrunt cause, effecta, & adiuncta.

6. *Cause* iustificationis euangelicæ sunt:

I. *Efficiens*; eaque principalis, vel instrumentalis. *Ibi* est *Verbum* Patris, & satisfactio Christi: *hic*; fides.

II. *Materia* est tota iustitia Christi mediatoris, quatenus est mediator.

III. *Forma*.



III. *Forma* consistit in remissione peccatorum, & imputatione iustitiæ Christi.

IV. *Finis* est patefactio sapientissimæ temperaturæ iustitiæ & misericordiæ Dei, & pax conscientiæ nostræ.

7. *Effecta* iustificationis sunt adoptio, libertas, sanctificatio, & glorificatio.

8. *Adiuncta* eius sunt: non admittere magis & minus, fieri semel & simul in mente Dei, denique varium admittere sui sensum in cordibus nostris.

L O C U S XXXVII.

*De sanctificatione & bonis operibus  
in genere.*

1. *Sanctificatio* consideratur in genere, & in specie.

*Sanctificatio in genere* spectatur in natura, & effectis suis.

*Natura sanctificationis* consideratur absolute, vel comparatè: & iterum absolute in partibus, & causis suis.

2. *Partes sanctificationis* duæ sunt: aversio à malo, & conversio ad bonum. Illa dicitur mortificatio veteris; hæc, vivificatio novi hominis.

3. *Causa sanctificationis* sunt ita:

I. *Efficiens* est principalis, gratia Dei: vel organica, vt fides & concio legis & euangelii.

II. *Materia* est peccati odium, & iustitia studium.

III. *Forma* est renouatio mentis, voluntatis, & affectuum.

IV. *Finis* est gloria Dei, confirmatio electionis, conuersio aliorum, & gaudium sanctorum angelorum & hominum.

4. *Comparatio sanctificationis* est conuenientia & differentia eius cum iustificatione & glorificatione.

5. *Effecta sanctificationis in genere spectata* sunt bona opera, & ipsa in genere considerata.

*In eis spectatur* necessitas, essentia, & gradus.

6. *Necessitas bonorum operum* non est meriti, sed praecepti & medii.

7. *Essentia bonorum operum* est obedientia euangelica, quae proficiscitur ex fide, secundum normam verbi Dei, ad ipsius solius gloriam.

8. *Gradus bonorum operum* in hac vita est remissus, secundum magis & minus.

## L O C U S XXXVIII.

### De praecipuis operibus bonis.

**S**anctificatio in specie cernitur in variis: bonis operibus: quorum videnda sunt summa capita, & praxis.

Summ.

*Synopsis Theologiae.*

85

*Summa ipsorum capita sunt duo. Auctores enim sunt simpliciter & sua natura bona: aut sunt adiaphora, quæ studio nostro fiunt bona.*

2. *Bona opera, quæ sua natura sunt talia, referuntur ad primam, vel secundam decalogi tabulam. Ibi præcipue est religio, cognitio Dei, cultus Dei, adoratio Dei, confessio, imitatio Christi, iuramentum, & sabbatum: hic est præcipue rectus bonorum terrestrium usus, & beneficentia.*

3. *Adiaphora considerantur in genere, & in specie.*

4. *In genere attenditur adiaphororum natura, usus, & abusus.*

5. *In specie adiaphora præcipua sunt votum, ieiunium, ceremoniæ, & delectus ciborum.*

4. *Praxis bonorum operum est in pœnitentia.*

*De his tractabimus in toto hoc capite; quod ideo in sectiones suas partiemur. Sunt autem in vniuersum XV, hoc modo.*

**S E C T I O I.**

*De vera religione, seu pietate.*

**I***N vera religione oportet attendere ad ipsius essentiam, affectiones, partes & differentiam à falsa religione.*

**D 7**

**1, Essentia**

1. *Essentia vera religionis cognoscitur ex nominibus & definitione ipsius.*

2. *Nomina vera religionis sunt: Ἰπνοκεία Iac. 1. 27. Ὀσεβεία 1. Tim. 4. v. 7. 8. ἱπὸν θεῶν Ioban. 5. 23. seruitus & timor Dei, apud theologos, θεοπύεπεία apud Clementem Alexandrinum lib. 7. Strom. θεοσεβεία apud Augustinum epist. 29. denique philosophia, passim apud Iustinum Martyrem & Clem. Alexandrinum; & altior philosophia, apud Chrysostomum in oratione de libello repudii. Cuius postremæ nomenclaturæ hæc est ratio: ut sancti illi viri tollerent Græcorum supercilium, qui philosophiæ suæ tantum tribuebant.*

3. *Definitio est: quod religio sit rectus de Deo sensus, & cultus eiusdem, secundum verbum ipsius. Itaque religio est virtus infusa, à qua homines credentes dicuntur religiosi: non autem est status hominum ad perfectionem Christianam, per paupertatis, continentiæ, & obedientiæ vota tendentium, ut definit Bellarminus tom. 1. controvers. controversia generali 5. lib. 2. cap. 2.*

4. *Affectiones vera religionis sunt:*

I. *Diuinitas: quod est diuina ortu, materia, forma, fine & effectis.*

II. *Unitas: quod in Vet. & Nou. Test. ratio-*

*ratio-*

*Synopsis Theologiae.*

87

ratione fundamenti est vna tantum ratio agnoscendi colendique Deum, & æternam felicitatem consequendi.

III. *Utilitas & necessitas longè maxima:* quod sine ea nemo particeps esse potest vitæ æternæ; quod est vinculum humanæ societatis, firmamentum & basis reip. denique quod omnibus, & ad omnia est utilis.

IV. *Indoles germana:* qua fit, vt religio sit potius interna, quàm externa.

V. *Antiquitas:* quod religio vera est prima & antiquissima.

VI. *Constantia:* quod est firma & insuperabilis.

VII. *Sinceritas:* quod est absque hypocrisis.

VIII. *Mutatio:* qua fit, vt deformetur & reformetur.

IX. *Libertas:* qua fit, vt religio vera sit spontanea.

X. *Facilitas:* qua fit, vt non sit inpenetrabilis, id est, instituta, seu mundinatoria.

5. *Partes vera religionis sunt omnes virtutes,* quæ in prima decalogi tabula præcipiuntur, exempli gratia, fides qua verbo Dei credim<sup>9</sup>, cognitio Dei, fiducia in Deo, spes in Deo, charitas erga Deum, timor Dei

*etiam*

filialis, humilitas coram Deo, patientia, seruitus Deo debita, confessio veritatis, rituum à Deo institutorum debita observatio, &c.

6. *Differentia à falsa religione posita est in hisce:*

I. *Vera religio cogi non vult, sed doceri. Falsa autem constat immanitate illorum, qui eam propagant.*

II. *Religio falsa est nundinatoria.*

III. *Vera religio non est apud philosophos quærenda.*

IV. *Vera religio non habet pro regula nostram voluntatem aut intentionem bonam, vel exempla aliorum.*

V. *Vera religio non est æstimanda qualicunq; antiquitate & duratione, nec consuetudine quantumuis diuturna.*

VI. *Vera religio non est æstimanda ex hominum eam sectantium & amplectentium authoritate, dignitate, potentia, multitudine, eruditione.*

VII. *Vera religio non est æstimanda ex felicitate externa & temporali.*

VIII. *Vera religio non nititur successione personarum.*

IX. *Vera religionis prædicanda potestas & libertas non nititur privilegiis humanis sed solius Dei mandato Matth. 10. v. 7. 23. 27. 6. 28. v. 18. 19. Act. 5. 20. 6. 10. 42.*

X. *Vera*

X. *Vera religionis exercitium non debet intermitteri ob edicta hominum. Dan. 6. 11. Act. 4. v. 18. 19. c. 5. v. 28. 19.*

XI. *Vera religio habet legem Dei integram, & euangelium perfectum. Falsa non habet doctrinam legis integram; & quidquid ex ea habet, id multis modis corrumpit. Deinde ignorat euangelium, vel depravat.*

XII. *Vera religio pacatam reddit conscientiam.*

XIII. *Falsa religio est partim irreligio, id est, impietas & atheismus; partim superstitio, cuius species sunt variae apud ethnicos, & Pseudo-christianos.*

## SECTIO 2.

### De cognitione Dei.

**C**ognitio Dei spectatur in causa, diuisione, & modo suo.

2. *Causa cognitionis Dei est patefactio Dei.*

3. *Patefactio D. est naturalis, vel supernaturalis.*

4. *Patefactio naturalis fit per legem naturae, vel opera naturae siue creationis.*

5. *Patefactio supernaturalis est interna, vel externa. Interna fit per illuminationem Spi-*

Spiritus sancti. *Externa* fit ordinariè, vel extraordinariè. *Ordinariè* per verbum, siue ἄγγελος, siue ἔλεος, & per opus redemptionis: *extraordinariè* per prophetiam, visionem, vel miraculum.

6. *Divisio* est: quod cognitio Dei est naturalis, vel supernaturalis. *Naturalis* est insita, vel acquisita, *tum* per ratiocinationem & propriam industriam, *tum* per institutionem humanam. *Supernaturalis* est acquisita, vel infusa.

7. *Modus* est: quod cognitio Dei est salutaris, vel non: illustrior, vel obscurior: nuda, vel affectiua, &c.

### SECTIO 3.

#### De cultu Dei.

1. **C**ultus Dei spectatur in se, & oppositè: & ibi sunt norma, species, & effectus eius.

1. *Norma cultus Dei* est verbum legis & evangelii.

2. *Species sunt*: quod cultus Dei est spiritualis seu moralis & internus, vel ceremonialis seu externus. *Cultus Dei spiritualis* est immediatus, vel mediatus.

*Cultus Dei immediatus* dicitur pietas; & reuocatur ad ista quatuor summa capita.

I. est *attentio sensuum*; hoc est, attendere ad opera Dei,

II. est



II. est *iudicium mentis*, hoc est, rectè *iudicare* de operibus Dei, & inde *concludere*, quod sit *maximus & optimus*. *Maximus* hoc est, *sapientissimus*, & *potentissimus*. *Optimus*; h. e. *iustissimus*, & *beneficentissimus* erga omnes creaturas, nominatim erga genus humanum, & *speciatim* erga te actuos.

III. est *affectus cordis*; h. e. *iudicio prædicto congruenter affici*, atque adeo *sapientiam & potentiam Dei admirari*, de beneficiis Dei *letari*, ipsum Deum tam potentem *timere*, tam bonum *amare*, tam iusto & *veraci considerare*.

IV. sunt *actiones voluntatis*, h. e. *affectus prædictos tota vita contestari*, atque adeo, quæ *admiraris*, *predicare*; cuius beneficiis *gaudes*, illi *gratias agere*; quem *times & amas*, illi *obedire*; de quo *cuncta tibi polliceris*, illum, quoties opus est, *invo-care*.

*Cultus Dei moralis mediatus* dicitur *probitas*: cuius partes sunt *virtutes tum ad proximum relatæ, tum in nobis ipsis terminatæ*.

*Cultus Dei ceremonialis* consideratur in *genere, & in specie*: & hic est *cultus ceremonialis V. vel N. T.*

4. *Effecta cultus Dei* sunt *beatitudo temporaria præsentis, & æterna futura vitæ*.

5. *Cul-*

5. *Cultui Dei opponitur impietas, & superstitio; & hæc est idololatria, vel hyperis.*

### SECTIO 4.

#### *De adoratione Dei.*

1. **A** *Doratio Dei consideratur in affectibus, diuisionibus & circumstantiis variis.*

2. *Affectiones adorationis Dei sunt, dirigi ad solum Deum; proficisci ex fide in Christum; non defatigari; discernere bona spiritualia & corporalia; fieri corde tantum, vel corde & ore simul; & indiuiduo nexu cohærere cum praxi poenitentiae.*

3. *Diuisiones sunt, quod adoratio Dei est inuocatio, vel gratiarum actio: & vtraque est vel Dei Patris, Filii & Spiritus sancti, vel Christi *Ἰεσοῦ Ἰωάννου*.*

4. *Inuocatio est precatio, deprecatio, & imprecatio.*

5. *Precatio est, cum petimus bona pro nobis, vel aliis.*

6. *Deprecatio est, cum petimus, vt mala à nobis vel aliis Deus auertat.*

7. *Imprecatio est, cum zelo quodam gloriae Dei petimus, vt Deus mala immitat vel nobis, vel aliis, puta desperatis nominis sui hostibus.*

8. *Gra-*

8. *Gratiarum actio* est celebratio, qua Deo accepta referimus, quæ ab ipso habemus.

9. *Circumstantia adorationis* sunt locus, tempus, gestus, lingua, cantus, &c.

SECTIO 5.

*De confessione.*

1. **C**onfessio est alia veritatis cœlestis coram hominibus, alia peccatorum coram Deo, vel hominibus.

2. *Confessio veritatis cœlestis* est explicita, vel implicita: tempestiva, vel intempestiva.

3. *Confessio peccatorum coram Deo* est necessaria simpliciter; coram hominibus, secundum quid.

4. *Confessio peccatorum coram hominibus* fit coram pastoribus, vel aliis fratribus.

SECTIO 6.

*De imitatione Christi.*

1. **I**mitatio Christi cernitur in doctrina, vita, & tolerantia crucis.

2. *Imitatio doctrinae Christi* est cum legis, tum euangēlii.

3. *Imitatio vite Christi* est in abnegatione

ne

ne sui, meditatione vitæ futuræ, & imple-  
tione voluntatis Dei per omnia & singula  
decalogi præcepta.

4. *Imitatio crucis Christi* est in toleratio-  
ne paupertatis, persecutionis, ignominiaë,  
& martyrii. In ista vero tolerantia crucis  
oportet spectare causas impellentes, &  
modum.

## SECTIO 7.

### De iuramento.

1. **I**uramentum spectatur in affectionibus  
& diuisionibus suis.

2. *Affectiones iuramenti* sunt, esse religio-  
sam affirmationem veritatis; esse speciem  
inuocationis Dei; & fieri in veritate, iudi-  
cio, & iustitia.

3. *Diuisiones* sunt, quod iuramentum  
est

I. *simplex vel compositum*, quod coniun-  
ctum est cum imprecatione seu execra-  
tione.

II. *assertorium, vel promissorium.*

III. *spontaneum, vel delatum.*

## SECTIO 8.

### De sabbato.

1. **S**abbatum est externum, internum, vel  
æternum.

2. *Sab.*

2. *Sabbatum externum* est Iudaicum, vel Christianum.

3. *Sabbatum Iudaicum* est hebdomadarium, vel annale, & hoc vel septimi, vel quinquagesimi anni. De hebdomadario imprimis disputatur.

4. *Sabbatum hebdomadarium* spectatur quantum ad institutionem primam, sanctificationem, & durationem.

5. *Institutio sabbati Iudaici* spectatur in origine & fine ipsius.

6. *Origo* est eadem cum principio mundi conditi.

7. *Finis sabbati Iudaici* est generalis, vel specialis. *Generalis* est partim *theologicus*, ut est 1. memoria absolutionis opificii Dei, imitatio quietis ipsius, & ita creatoris agnitio atque celebratio, 2. sanctificatio moralis & interna hominis. 3. meditatio sabbati caelestis. Partim *politicus*, refocillatio corporis. *Specialis* est 1. memoria educationis ex Aegypto. 2. signum quietis in terra Canaan. 3. sanctificatio ceremonialis Israelitarum, ac proinde publica professio religionis. 4. figurare sabbatum Christi in sepulchro.

8. *Sanctificatio sabbati Iudaici* est partim moralis, partim ceremonialis, sacramentalis, & typica.

9. *Sab.*

9. *Sabbatum Christianum* est dies Dominicus.

10. *Sabbatum internum* est cessatio hominis interioris; adeoque cessatio à peccato, & quies in Deo.

11. *Sabbatum æternum* est alterius vitæ.

### SECTIO 9.

#### De recto bonorum terrestrium usu.

1. **R**ectus bonorum terrestrium usus spectatur in iure & modo.

2. *Ius* est primæuum, vel redintegratum. *Illud* est creationis, quo Adam fuit constitutus usufructuarius creaturarum sublunarium: *hoc* est redemptionis, quo Christus effecit ut postliminio reciperiamus ius illud utendi fruendi bonis terrestribus, quo excideramus.

3. *Modus utendi* bonis terrestribus respicit Deum, nos ipsos, & proximos. *Illic* est sanctificatio per preces, & oblatio ad cultum Dei: *isthic* est frugalis usus: *hic* est liberalitas, in primis eleemosynaria.

### SECTIO 10.

#### De beneficentia.

1. **B**eneficentia est spectanda quantum ad causas impellentes, & species.

2. *Causæ*

2. *Cause impellentes* sunt mandatum & promissi, Dei, exempla sanctorum, lex humanitas & Christianitatis &c.

3. *Species* sunt: quod beneficentia est generalis, vel specialis; publica, vel privata; ordinaria, vel extraordinaria; vulgaris, vel heroica &c.

4. Ad *specialem beneficentiam* pertinent hospitalitas & eleemosyna.

5. *Hospitalitas* hic non intelligitur, ut est virtus moralis, sed theologica.

6. *Circa eleemosynam* oportet spectare ipsius necessitatem, & modum.

## S E C T I O II.

## De voto.

1. *Votum* consideratur in affectionibus & diuisionibus suis.

2. *Affectiones voti* sunt, ut voueatur soli Deo, iuxta verbum Dei, de re possibili, licita & graui &c.

3. *Diuisiones voti* sunt: esse

I. generale vel speciale.

II. morale, vel ceremoniale.

III. ordinarium, vel extraordinarium.

IV. absolutum, vel hypotheticum.

V. perpetuum, vel temporale.

## S E C T I O 12.

## De ieiunio.

1. **I**eiunium est miraculosum, vel naturale.

2. *Ieiunium miraculosum* est, quod Dei singulari virtute & supra naturam vires suppeditante, ab homine peragitur: quale fuit Moſis, Eliæ, & Chriſti.

3. *Ieiunium naturale* est, quod naturæ viribus ab homine ſuſtinetur. Iſtud autem vel à *neceſſitate imponitur*, ſiue diuinitus, ſiue humanitus; vel *ſponte ſuſcipitur*, & hoc eſt *profanum* ſeu ciuile, vel *religioſum*. Profanum eſt honeſtum, vel inhoneſtum, *Act. 23. 14.*

4. *Ieiunium religioſum* eſt, quod urgente orandi neceſſitate, ab homine fideli, ad excitandum iuuandumq; in oratione ſpiritus ſuſcipitur.

*Eius* videnda eſt cauſa impu' ſua, ratio, & varietas.

5. *Cauſa impulſiua ieiunii religioſi* eſt orandi neceſſitas, eaque publica, vel priuata: ac ruruſus vel precandi boni, vel deprecandi mali. Boni; tum *ſpirituales*, vt maioris illuminationis Spiritus ſancti; tum *corporales*, vt proſperi ſucceſſus in bello. Mali; tum *culpa*, vt peccatorum, vel generatim omnium



omnium & quotidianorum, vel speciatim quorundā abnormium: tum *pœna*, vt calamitarum, siue præsentium, siue imminentium.

6. *Ratio ieiunii religiosi*, cernitur in fine & modo eius.

7. *Finis ieiunii* est, vt sit adminiculum pietatis, quo animus spiritusque hominis ad orandum sit expeditior & liberior: ac rursus, vt sit tum intentus & ardens, tum contritus & submissus.

8. *Modus ieiunii generatim* est, vt ab omni cibo & potu ultra consuetum tempus abstineamus; tum vt moderationem adhibeamus, & tantum suscipiamus, quantum natura ferre potest, quantumque ad excitandos sufficit, non verò extinguendos animi sensus. *Speciatim* hic est ieiunium vnius siue prandii, siue cœnæ; & rursus vel vnius duntaxat diei, vel plurimum continue. Atque hic si à prandio abstinetur, cœnæ vsus erit parcus & tenuis: si à cœna, prandii. *Denique* ad modum ieiunii pertinet, vt aliarum quoque corporis deliciarum abstinentia adhibeatur, puta tori conjugalis, musicæ, vestium molliorum, &c.

9. *Varietas ieiunii religiosi* est, quod est publicū vel priuatum *Publicū* est liberum, quod pro re nata indicitur: vel *statū*, quod

celebratur ex institutione Dei, vel ecclesie. *Ex institutione Dei:* vt Leuit. 16. & 23. *Ex institutione ecclesie,* vel *veteris* seu Hebrææ; vt ieiunia quatuor mensium, in captiuitate Babylonica instituta, *Zach.* 7. & 8. *2. Reg.* 25. vel *nouæ;* vt est ieiunium duplex; alterum quod hebdomadatim; alterum, quod annuatim celebratum fuit. *Hebdomadatim:* vt quarta & sexta feriis, id est, diebus Mercurii & Veneris; quibus diebus, quod ad auditionem & meditationem verbi Dei, ad vsum sacramentorum, & ad publicas ac solennes preces conuenirent, à prandio abstinebant. *Annuatim:* vt ieiunium *Quadragesimæ,* & quatuor temporum *Quadragesimæ,* ante festum Paschatis: quo tempore, quod tum catechumeni, & qui lapsi erant, publicè pœnitentiam agebant, vt in festo illi baptizarentur, hi absoluerentur; tum etiam populus ad meditationem mortis & passionis Christi excitabatur; à plurimum dierum prandii: continue abstinebant. Atq; hic cum cœna vterentur, alii ab aliis cibis liberè, & quoad temperantiam, non quoad conscientiam abstinerebāt. *Quatuor temporum:* videl prima mensis Martii, secunda Iunii, tertia Septembris; quarta Decembris hebdomada. Quibus temporibus, quod presbyterorum & diaconorum ordinationes celebrarentur, item à prandio abstinerebāt.

Quæ

Quæ tempora *Augaria* etiam dicuntur, & vulgo nunc *Quatember*. Hæc ecclesiæ Christianæ ieiunia, vt libere primum sunt instituta, sic libere, & in diuersis locis dissimiliter olim celebrabantur. *Ieiunium priuatum* est, quod ab homine quouis, proprio arbitrio siue publica, siue priuata incidente necessitate indicitur. *Num. 30. 14. Luc. 2. 37.*

SECTIO 13.

*De ceremoniis.*

1. **C**eremonia religiosa consideratur quantum ad affectiones, & diuisiones suas.

2. *Affectiones* sunt, conuenire grauitati, decoro, & aliis circumstantiis ecclesiæ; excitare hominem interiorem, & illum continere in officio; deniq; rationabilem causam habere.

3. *Diuisio summa* hæc est, quod ceremoniæ religiosæ sunt vel necessariæ, debitæ & præceptæ; vel liberæ, indifferentes & indebitæ: item vniuersales, vel particulares.

4. *Diuisio specialior* est, quod aliæ sunt V. aliæ N. T.

5. *Ceremonia V. T.* sunt vel typicæ duntaxat, vel simul morales. *Typicæ* sunt partim

in cultu Levitico externo, vt in sacrificiis, lotionibus, dedicationibus & vel in admi-  
niculis eius, vt in tabernaculo, templo Sa-  
lomonico, arca fœderis, propitiatorio, pa-  
nibus propositionis, candelabro aureo, &c.  
*Morales simul* sunt vel liberae, vt vota, ieru-  
nia, &c. vel debita & præcepta, eaq; vni-  
uersales, vel particulares. *Vniuersales* totius  
populi: vt sabbata, festa, sacramenta, dis-  
crimen atque abstinentia ciborum mun-  
dorum & immundorum. *Particulares*: vt  
Naziræorum, sacerdotum &c.

6. *Ceremonie N. T.* sunt necessariae, vel  
liberae. *Necessaria*: vt baptismus & S. cœna,  
*Libera* vt aspersio vna vel ter repetita, &c.

## SECTIO 14.

### Delectus ciborum.

1. **D**electus ciborum est medicus, politi-  
cus, vel religiosus: & hic est Vet. vel  
N. T.

2. *Delectus ciborum V. T.* erat vel necessa-  
rius & vniuersalis; quippe à Deo præce-  
ptus: vel liber, vt Danielis & sociorum  
eius.

3. *Delectus ciborum N. T.* est liber & in-  
differens.

SECTIO Iſ.

De pœnitentia.

1. **P**œnitentia spectatur in necessitate, partibus & adiunctis suis.

2. *Necessitas pœnitentia* (nempe euangelicæ) est ex mandato Dei, & imperfectione nostra, qua fit vt de die sæpius labamur.

3. *Partes pœnitentia* sunt contritio, & noua obedientia. *Contritio* est in agnitione, & detestatione peccati. *Noua obedientia* est in mortificatione veteris, & viuificatione noui hominis; & hæc iterum est in dilectione Dei & proximi.

4. *Adiuncta pœnitentia* sunt in natura, & circumstantiis eius. *Ibi* sunt eius imperfectio, & quotidiana instauratio: *hic* sunt confessio, satisfactio & indulgentia ecclesiastica, lachrymæ, ieiunium, &c.

LOCVS XXXIX.

De adoptione.

1. **B**eneficia Dei erga ecclesiam, quæ à tribus præcedentibus oriuntur, sunt similiter tria: videl. adoptio, libertas Christiana, & perseverantia sanctorum.

E 4

2. Ad-

2. *Adoptio* filiorum Dei constat vnione & communione.

3. *Vnio* est, qua Deus homines credentes Christo vnitos recipit in filios & hæredes, atque ita etiam sibi vnit.

4. *Communio* est, qua Christiani participant bonis & cruce Christi. Est itaque hæc communio lucis & crucis.

## L O C V S XL.

### De libertate Christiana.

1. **L**ibertas Christiana spectatur in partibus, adiunctis, & speciebus suis.

2. *Partes libertatis Christianæ* sunt pax sue tranquillitas conscientiæ, & securitas ab hostibus spiritualibus.

3. *Adiuncta* eius sunt; inchoari in hac vita, & in altera consummari, longissime differre à libertate politica &c.

4. *Species* eius sunt: quòd libertas Christiana est communis omnium fidelium, vel propria N. T.

5. *Libertas communis omnium fidelium* est.

I. à iustificatione legis.

II. à rigida ipsius eraditione.

III. à maledictione eiusdem; adeoque à potestate Satanae & mortis aeternæ.

IV. à dominio & seruitute peccati.

V. ab onere traditionum humanarum.

VI. à

VI. à timore serui in cultu Dei.

6. Libertas propria N. T. est

I. à legibus Mosaicis ceremonialibus, & fo-  
rensibus istis, quæ ad pædagogiam veteris  
populi & politiam Moſis erant compara-  
tæ.

II. in rebus adiaphoris.

L O C U S X L I I.

De perseuerantia sanctorum.

I. **P**erseuerantia sanctorum spectatur in cau-  
sis, partibus, & adiunctis suis.

2. *Causæ* sunt paterna Dei voluntas, &  
inuitum ipsius robur: meritum & effica-  
cia Christi: assistentia Spiritus sancti: deni-  
que fides: quæ est nostra victoria.

3. *Partes* sunt duæ: perpetua voluntas  
siue serium perseuerandi propositum, &  
actualis continuatio.

4. *Adiuncta* eius sunt: eundem semper  
tenorem habere, quantum ad habitum fi-  
dei, spei, & charitatis; qui perpetuo ma-  
nent; ac multiplicem interruptionem ad-  
mittere, quantum ad actiones, pro-  
fessionem, & sensum  
istorum habi-  
tuum.

## L O C U S XLII.

De bonis Dei temporalibus erga  
ecclesiam.

1. **E**Xposita sunt beneficia Dei principalia:  
Erga ecclesiam: restant accessoria, quæ  
sunt huius vite temporalis adiumenta.

In his occurrit modus & finis.

2. *Modus* est, quod dantur pro sapien-  
tissimo & sanctissimo Dei arbitrio; & tem-  
perantur variis calamitatibus atque iudi-  
ciis, puta tentatione, castigatione, marty-  
rio &c. denique non dantur omnibus cre-  
dentibus, neque etiam æqualiter.

7. *Finis* est communis, vel proprius. Ille  
respicit omnes electos Vet. & N. Testam.  
quibus hæc Dei dona sunt indicia paternæ  
Dei curæ erga ipsos, & adiumenta fidei, &  
instrumenta virtutis: hic respicit fideles  
Vet. Testam. quibus hæc bona in terra  
Canaan figurabant futuram in cœlis feli-  
citatem.

## L O C U S XLIII.

De ministeriali gubernatione ec-  
clesiæ.

1. **E**Xpositum est de principali gubernatio-  
ne ecclesiæ: superest vt exponatur de  
gubernatione



gubernatione ministeriali seu externa eiusdem.

Ea est V. vel N. T.

2. Gubernatio ministerialis seu externa ecclesiae Vet. Test. alia est ante politiam Mosis, alia in ista politia. Illa est tum œconomica, partim ante diluuium sub patriarchis, partim post diluuium vsq; ad tempora Nimrodi in familiis sanctorum: tum œconomica & politica simul post tempora Nimrodi, apud gentes profanas & familias patriarcharum iam auctiores quàm antè: haec est planè ecclesiastica, consistens in exercitiis sacris; quorum alia sunt in ritibus, alia in rebus. Ritibus sunt varii: puta sacrificia, vota, ieiunia, sabbata, festa, sacramenta discrimen ciborum, &c. Res sunt corporales, vel spirituales. Corporales: vt architectura & custodia templi, eiusque vasorum & thesaurorum; collectio & cura census sacri ecclesiastici; dispensatio stipendiorum & eleemosynarum. Spirituales: vt verbum Dei & disciplina. Verbum Dei: prædicabatur, & decantabatur partim hymnis, partim instrumentis musicis. Disciplina, siue censura, erat morum, & doctrinae. Illa erat morum priuatorum in synagoga & correptionibus fraternis; publicis

in presbyterio sanctorum, & synedrio seniorum: *hac* erat in iudiciis ecclesiasticis, redargutionibus propheticis, reformationibus, & solennibus conuentibus seu conciliis. Hic agendum est de *ministris ecclesie* V. T. usque tum ordinariis, tum extraordinariis.

3. *Gubernatio ministerialis seu externa ecclesie* N. T. consideratur ratione personarum, à quibus fit; & modi, quo fit.

*Personae* sunt ecclesiasticae, vel seculares.

4. *Personae ecclesiasticae* N. T. sp. etantur in officio & potestate communi, vel distinctis gradibus. Vitate dicuntur *ministri ecclesie*.

5. *Officium & potestas communis* est doctrinam veram tradere & disciplinam sanctam constituere aut vindicare, poenis tantum spiritualibus.

6. *Distincti gradus* sunt, quod alii sunt superiores, alii inferiores. Vitate appellatur *hierarchia ecclesie*.

*Superiores* iterum sunt primarii, vel secundarii. *Primarii* sunt extraordinarii: vt prophetae, apostoli & euangelistae. Horum *vocatio* est immediata & extraordinaria: *qualitas* quod nō possunt errare in doctrina promulganda: *potestas* absoluta, circa doctrinam & disciplinam. *Secundarii* sunt pastores & doctores. Horum *vocatio* est

me-

mediata, vel composita, ita ut sit mediata & immediata simul: *qualitas* est, quod possunt errare in doctrina: *potestas* est limitata circa doctrinam & disciplinam. *Ibi* sunt alligati ad scripturam sacram, & subiecti iudiciis ecclesiasticis: *hic* sunt alligati, quisque ad consensum ecclesiae suae. *Inferiores* sunt seniores, qui appellantur, & diaconi seu eleemosynarii. In secundariis & his inferioribus spectanda est tum *electio*, *probatio*, *missio*, *inauguratio* seu ordinatio, & *depositio* seu exauthoratio: tum *functio* seu officium speciale.

5. *Personae seculares in ecclesia* debent ministris ecclesiae obedire, & alimenta praebere.

*Modus* huius gubernationis sequitur. Est autem externa illa gubernatio ecclesiae partim ecclesiastica, partim politica, partim oeconomica.

8. *Ecclesiastica gubernatio* usitate dicitur regimen ecclesiasticum, & politica ecclesiastica, cuius occurrunt periodi, & partes.

9. *Periodi* sunt tres: videlicet regiminis: huius constitutio, degeneratio, & emendatio.

10. *Partes* sunt potestas ordinis, & iurisdictio.

11. *Potestas ordinis* est primaria, vel secunda.

E 7 cunda.

cundaria. *Primaria* est in prædicatione verbi & administratione sacramentorum: *secundaria* in constitutione canonum ecclesiasticorum, curatione bonorum ecclesiasticorum, & decisione controuersiarum in concilio, vel extra concilium.

12. *Concilii ecclesiastici* videndæ sunt species & forma. *Species*: quod sit generale, vel particulare; & *Illud* œcumenicum, vel nationale, hoc prouinciale, vel diœcesanum seu classicum.

*Forma* spectatur in antecedentibus, connexis & consequentibus.

13. *Potestas iurisdictionis ecclesiastica* dicitur *potestas clauium*. *Eius* occurrunt partes & species. *Partes* sunt solutio & ligatio. *Species* sunt clavis doctrinæ, & disciplinæ. *Clavis doctrinæ* est in prædicatione verbi, & diiudicatione ceremoniarum. *Clavis disciplina* est in disciplina ecclesiastica; quæ est communis, vel propria. *Communis* est tum in admonitione solitaria, socia & presbyterali, tum in suspensione à sacris, & excommunicatione. Quibus omnibus respondere debet *satisfactio canonica* seu ecclesiastica; quam excipit *absolutio*. *Propria* est, quæ concernit solos ecclesiæ ministros.

14. *Gubernatio politica ecclesiæ* concernit officium magistratus circa ecclesiæ.

15. Gubernatio œconomica ecclesie concernit officium patris & matris familias circa ecclesiam.

## L O C U S XLIV.

## De hostibus ecclesie.

**H**Actenus considerata fuit ecclesia in se: nunc est consideranda oppositè, quantum ad hostes suos.

1. Hostes ecclesie in genere sunt extra ecclesiam, vel in illa, sunt aperti, vel dissimulati; capitaliores, vel mitiores &c. in specie sunt athei, Epicurei, blasphemii, magi, idololatræ, hypocritæ, apostatæ, hæretici, schismatici, & nominatim magnee ille Antichristus, qui κατ' ἐξοχήν sic appellatur.

2. Circa antichristum oportet attendere periodos, notas, & ecclesiam ipsius.

3. Periodi antichristi sunt: Antichristus nascens; regnans, reuelatus, destructus, & reuiuiscens post mille annos, de quibus Apoc. 20.

4. Nota antichristi sunt variae; quæ reuocantur ad locum, tempus, doctrinam, potestatem, opera, flagitia, & interitum: videlicet quod in ipsa Româ sit sessurus, diuini

diuisa & collapsa Romana monarchia  
 exiturus, aduersarius Christo futurus  
 quantum ad doctrinam & vitam, potesta-  
 tem spiritualem & secularem exerciturus,  
 signa & miracula editurus &c.

5. *Ecclesia antichristi* constat ex clericis,  
 & laicis.

## L O C U S XLV.

### *De sacramentis in genere.*

1. **E**Xposita est promulgatio foederis gratia:  
 Restat ipsius obsignatio.

*Ea* fit per sacramenta: quorum conside-  
 ratio est generalis, vel specialis.

2. *Sacramenta in genere* considerantur:  
 absolute, vel comparatè.

*Absolute* spectantur in substantia & cir-  
 cumstantiis: & *substantia* iterum in causis  
 & affectionibus.

3. *Causa sacramentorum* sunt hoc or-  
 dine:

I. *Efficiens* seu fundamentum, ex parte  
 Dei est verbum institutionis, quod conti-  
 netur præceptione & promissione; ex parte  
 hominis est fides, historica in hypocritis,  
 salifica in electis. Atq; hinc, ex hoc nem-  
 pe gemino fundamento, existit unio sacra-  
 mentalis.

II. *Materia* est res terrestris & cœlestis,  
 siue:

sive externa & interna Vitate appellant  
 signum & signatum. *Signum* est *substantia*,  
 vt aqua, panis, agnus: vel *actio*, seu ritus &  
 ceremonia, vt circumcisio in certa corpo-  
 ris parte, ablutio & manducatio externa  
 siue corporalis. *Signatum*, siue res signata,  
 est similiter *substantia*, vt Christus cum o-  
 mnibus suis beneficiis: vel *actio*, eaq; Dei,  
 vel hominis.

III. *Forma*: est interna, vel externa. *In-  
 terna* rursus est sacramenti relate & partia-  
 liter, vel absolute & totaliter considerati.  
*Ibi* est significatio sacramentalis, quæ est  
 posita partim in analogia signi ad rem si-  
 gnatam, partim in mutua relatione vnus  
 ad alterum: *hic* est actio interna, quæ cum  
 externa in legitimo vsu coniungitur. Ex  
 hac forma sequuntur tria. 1. præsentia  
 Christi realissima. 2. communicatio sa-  
 cramentalis & spiritalis simul. 3. vene-  
 ratio sacramenti. *Externa* forma est actio  
 sacramentalis: quam sequitur communi-  
 catio sacramentalis.

IV. *Finis*: est præcipuus, vel subordina-  
 tus. *Præcipuus* est: vt sacramenta sub signa  
 docentia siue significantia, obsignantia, &  
 præbentia, idque in legitimo vsu, qui est  
 in eo, vt sacramenta à Deo instituta, ab  
 his, quibus instituta sunt, ad finem, cui de-  
 stinata sunt, vsurpentur. *Subordinatus* est:

vt sint testificatio nostræ gratitudinis & officii erga Deum, signa societatis ecclesiæ & confessionis publicæ, notæ professionis discernentes ecclesiam ab aliis generibus, vincula mutuæ dilectionis & concordia in ecclesia, &c.

4. *Affectiones* sunt habere signum externum ex ordinatione diuina; admittere mutationem signi ratione vsus, seu vocationis & officii; constare vnione signi & signati relatiua & pactionali; esse organa siue instrumenta gratiæ, non physica, sed *græci*; admittere phrasas vel proprias, vel metonymicas, quæ vsitate dicuntur sacramentales; denique esse sacrificia eucharistica.

5. *Circumstantia* sunt variæ: puta locus, tempus, ceremoniæ diuinæ vel ecclesiasticæ, &c.

6. *Sacramenta comparatè* spectantur in conuenientia, & differentia sua. *Comparantur* autem vel cum verbo, vel inter sese; & inter sese non vno modo. Nam sacramenta V. & N. T. comparantur inter se: vel sacramenta Vet. Testam. inter se: vel denique sacramenta N. Testam. inter sese.



## L O C U S XLVI.

## De sacramentis V. T.

1. **S**acramenta in specie sunt V. vel N. Test.  
 Vtrobique autem est sacramentum aliud  
 initiationis & regenerationis, aliud confir-  
 mationis & nutritionis.

2. Sacramenta V. T. sunt ordinaria, vel  
 extraordinaria.

Ordinaria erant duo: circumcisio & pa-  
 scha.

3. Circumcisio spectatur in forma, eaq;  
 tum externa, tum interna; & vsu: atque hic  
 est respectu Iudæorum, Christi, & fide-  
 lium in N. Testament. Respectu Iudæorum:  
 quibus externa resectio præputii semel fa-  
 cta, internam circumcisionem (quam apo-  
 stolus Coloss. 2. II. vocat  $\alpha\chi\epsilon\iota\sigma\mu\circ\iota\sigma\iota\sigma$ ) adeo-  
 que internam peccatorum abolitionem &  
 regenerationem, & incorporationem in  
 Christum adoptionemque in populum  
 Dei, per & propter Christum exhibendum,  
 significabat, & obsignabat; & hæc tanta  
 bona in legitimo vsu exhibebat. Simul  
 autem hoc sacramentum erat testimo-  
 nium promissionis de venturo Messia;  
 & significabat, ex posteris Abraha-  
 mi semen benedictum venturum esse.

Re-

*Respectu Christi* circumcisio fuit signum, communionis cum populo Dei, ipsum nempe esse verum Israelitam. Deinde illius circumcisio sanctificavit veterum circumcisionem. *Respectu fidelium in Nou. Testam.* hic est usus circumcisionis, ut illius historica recordatio nos commonefaciat de circumcisione interna, quæ nunquam non in ecclesia est necessaria.

4. *Pascha* spectatur in forma, eaque tum externa tum interna, & usu: atque hic est respectu Iudæorum, Christi, & fidelium in N. Testam. Et primo quidem *Iudæis* per postium conspersionem & properam agni affati manducationem, quotannis semel, manducatio Christi venturi, & liberatio corporalis ex Ægypto, & spiritalis ex potestate Satanæ, atque ita continua in Christo venturo nutritio & viuificatio significabatur & obsignabatur; & hæc tanta bona in legitimo usu exhibebantur. Deinde *Christus* celebrauit Pascha, tum quod esset Iudæus, tum ut sanctificaret hoc sacramentum. Denique *nobis* recordatio historica agni Paschalis ob oculos ponet Pascha nostrum, quod est Ies. s. Christus.

5. *Sacramenta extraordinaria V. Testam.* fuerunt varia: ut baptismus in diluuiio, nube,

nube, & transitu maris rubri; arca Noe; ignis è cœlo, comburens sacrificia; cœna mannae & aquae ex petra profluentis; serpens æneus; effusio sanguinis victimarum; terra Canaan; tabernaculum; templum; arca fœderis, &c. Ex his duo quodammodo respondent sacramentis N. T. videlicet baptismus ille triplex in diluuiio, nube, & mari rubro; & cœna mannae & aquae ex petra profluentis.

## L O C U S XLVII.

## De Baptismo.

1. **S**acramenta N. Testam. sunt duo: baptismus & sacra cœna. Ille baptismo, hæc agno paschali successit, & vicissim respondet.
2. *In baptismo attenditur substantia & circumstantia.*
3. *Substantia baptismi cernitur in ipsius institutione, necessitate, forma, affectione, & usu.*
4. *Institutio facta est diuinitus per Iohannem Matth. 21. 25.*
5. *Necessitas non est absoluta, siue præcisa, sed ex hypothese præcepti & medii.*
5. *Forma baptismi interna est partim in analogia & relatione, partim in actione*  
inter-

interna, prout nempe baptismus confide-  
tur partialiter, vel totaliter: *externa* est in  
actione sacramentali.

6. *Affectio baptismi* est: administrari se-  
mel; à ministro ecclesiae legitimè vocato;  
Christianis, qui nondum sunt baptizati; in  
nomine Christi.

7. *Vsus* est primarius, vel secundarius.  
*Ibi* est significatio, obsignatio & præbitio  
ablutionis peccatorum; item sepultura ve-  
teris & resurrectio noui hominis; denique  
adoptio: *hic* est externa in ecclesiam visi-  
bilem insertio, membrorum Christi con-  
iunctio, professionis nostræ significatio,  
& ab omnibus infidelium cœtibus disso-  
ciatio.

8. *Circumstantie* sunt istæ. 1. baptismum  
administrare tum adultis, tum infantibus  
Christianis. Et horum baptismus dicitur  
*pædobaptismus*. 2. adhibere in baptismo  
formulam verborum vsitatam: siue illam,  
*Baptizo te in nomen, siue in nomine Patris, Fi-  
lii, & spiritus sancti*; siue istam, *Baptizo te  
in nomen, siue in nomine Christi*. 3. discrim-  
men inter baptismum Iohannis & Christi,  
seu discipulorum Christi. 4.  
locus, tempus, testes  
&c.

## L O C U S XLVIII.

## De sacra cœna.

1. **I**N sacra cœna, quæ variis nominibus appellatur, oportet attendere substantiam & circumstantiam.

2. *Substantia* cernitur in ipsius institutione, necessitate, forma, affectione, & usu.

3. *Institutio* facta est diuinitus per Christum.

4. *Necessitas* est præcepti & medii.

5. *Forma externa* est in actione externa, quæ est partim ministri administrantis, partim hominis usurpantis. *Ibi* est consecratio symbolorum, fractio panis, fusio vini, & distributio: *hic* est sumtio & fruitio symbolorum. *Interna* est partim analogia signi & signari, & mutua relatio eorundem: partim actio interna, eaq; Spiritus S. & hominis credentis. In priori forma spectatur manducatio sacramentalis, in posteriori spiritualis.

6. *Affectio sacra cœna* est: administrati solis adultis, sæpe, à ministro legitime vocato; admittere consecrationem mortuum; habere phrasin metonymicam, vel propriam; esse epulum constans ex vero pane

pane

pane & vino; requirere probationem sui,  
&c.

7. *Vsus primarius* est commemoratio seu recordatio mortis Christi, quæ circumscribitur significatione, obsignatione & præbitione sacramentali corporis & sanguinis Christi, hoc est, omnium beneficiorum morte Christi partorum: ita ut unio & communio cum Christo, ac participatio omnium beneficiorum eius sit *finis internus* huius sacramenti. *Secundarius* est, ut sit tessera fidelium, symbolum resurrectionis mortuorum, vinculum charitatis mutuae, &c.

8. *Circumstantia* sunt variae: puta de pane azymo vel fermentato; de vino rubro vel albo, de vino mero vel diluto; de quotidiana, hebdomadaria, menstrua, bimestri, trimestri, & usurpatione huius sacramenti; de calice, vel alia forma poculi; de loco, &c.

## L O C U S XLIX.

### De ultimo Domini ad- uentu.

1. **V**idimus executionem predestinationis, qua fit in hac vita: superest illa, qua fit post hanc vitam.

Et

*Ea* spectatur communiter, vel singulariter: & communiter rursus in ultimo Domini aduentu, resurrectione carnis, & ultimo iudicio.

2. *Ultimus Domini aduentus* spectatur in assertione seu certitudine, modo, tempore, & fine.

3. *Assertio* est, quod certo sit futurus.

4. *Modus* est, quod sit futurus gloriosus, subitus & improvisus.

5. *Tempus* erit in fine seculi. Id vero nobis est incertum. Sunt tamen quædam ipsius signa: vt conuersio Iudæorum, diuulgatio euangelii per vniuersum orbem, felicitas ecclesiæ per mille annos, quam excipiet grauissima persecutio sub Antichristo reuiuiscente. *Apoc. 20.*

6. *Finis* est partim mutatio huius seculi: siue mundi, partim mutati conseruatio perpetua. *Mutatio* erit partim destructio, partim renouatio seu instauratio. *Conseruatio* erit domiciliorum, vel incolarum.

## L O C V S L.

## De resurrectione carnis.

1. **R**esurrectio carnis spectatur in assertione & modo.

E.

2. Af-

2. *Assertio* est, quod certo sit futura.
3. *Modus* est respectu mortuorum, & viventium. *Mortui* sic excitabuntur, ut eadem numero caro, quæ cecidit, resurgat. Huius itaque resuscitationis partes duæ sunt: restitutio corporum, & viuificatio. *Vivi*, quos deprehendet vltimus ille dies, compendio mortis per demutationem extinguentur subito, & subito quoque excitabuntur, ut scite loquitur *Tertullianus de resurrect. carn. cap. 41.* *Vtrique* autem accipient corpora libera à statu vitæ animalis. Ex his colligitur, quod resurrectio futura sit vniuersalis, subitanea, & ita comparata ut nihil huius vitæ animalis introducat.

## L O C U S LII.

## De vltimo iudicio.

1. **I**udicium vltimum spectatur in assertione, & modo.
2. *Assertio* est, quod certo sit futurum.
3. *Modus* est in vniuersalitate, & processu.
4. Iudicium hoc erit *vniuersale*, respectu piorum & impiorum, angelorum & hominum.
5. *Processus* erit iudicialis. In eo itaque  
orunt



erunt personæ, causæ cognitio, & sententia tum dictio, tum executio.

6. *Persona* sunt iudex, iudicandi, assessores. In *iudicandis* spectatur citatio, separatio, & locatio ad dextram, vel sinistram.

7. *Causa cognitio* erit admirabilis, accurata, & plena.

8. *Sententia dictio*, seu promulgatio, erit confirmatio & declaratio primi seu particularis iudicii, hoc est, istius sententiæ, quæ pronuntiatur in hoc seculo, partim in verbo Dei, partim in conscientiis nostris.

9. *Sententiæ executio* est in retributione æterna; quæ est præmiorum, & pœnarum æternarum. *Ibi* est bonorum angelorum solennis glorificatio, & hominum electorum assumptio in cælum: *hic* damnatorum angelorum & hominum detrusio in infernum.

## L O C U S LII.

### De vita æterna.

1. **E**xecutio prædestinationis post hanc vitam singulariter spectatur in vita & morte æterna: quibus etsi æternitas, liberatio à statu vitæ animalis, & denique vita natu-

ræ sunt communia, tamen in reliquis est differentia longe maxima.

2. *Vita æterna* spectatur in causis, partibus & gradibus suis.

3. *Causæ* sunt tres. 1. *impellens*; & *delectatio* Dei. 2. *meritoria*; satisfactio Christi. 3. *organica*; fides & bona opera, quibus hæc merces dabitur ex gratia; utpote quæ est prorsus euangelica.

4. *Partes vitæ æternæ* sunt gloria, & gaudium æternum beatorum angelorum & hominum. *Gloria æterna*, quantum ad homines, est animæ corporis, & totius hominis. *Gloria æterna anima* est in sapientia, iustitia, & sanctitate perfecta: *corporis* in incorruptibilitate, agilitate, pulchritudine, claritate seu fulgore, & harmonica conspiratione cum anima: *totius hominis* in plena conformitate cum Deo, fruitione Dei immediata, fruitione bonorum cœlestium, & mutua sanctorum communionem. *Gaudium æternum* est ineffabilis ex vita illa & gloria continuè & sine fine fluens suavitas.

5. *Gradus vitæ æternæ* erunt tum inter angelos, tum inter homines; & rursus inter hos pro mensura donorum; quibus quisque in hac vita fuit præditus; & pro officiorum quæ in hac vita obiit, diuersitate;

litate; & denique pro passionum & afflictionum huius vitæ multitudinem ac magnitudine. Itaque primum maior & perfectior erit angelorum, quam hominum beatitudo: & inter homines etiam rursus erit discrimen.

## LOCVS LIII.

## De morte aeterna.

1. **M**ors aeterna spectatur in causis, partibus, & gradibus suis.

2. *Cause* sunt duæ. 1. *meritoria*; perseverantia in peccato adversus legem, vel euangelium. 2. *impellens*; iustitia Dei puniens.

3. *Partes mortis aeterna* sunt miseria & tristitia aeterna damnatorum angelorum & hominum. *Miseria aeterna* est in cruciatus & ignominia. *Cruciatus* est tum angelorum, tum hominum damnatorum. *Angelorum damnatorum cruciatus* respondebit naturæ ipsorum spirituali. *Hominum damnatorum cruciatus* erit tum animi, tum corporis. *Ignominia* est in deformitate ac priuatione fruitionis Dei bonorumque cælestium. *Tristitia*, siue dolor, miseriam consequetur ut individuum ipsius comes.

4. *GRA-*

4. Gradus mortis aeternae respondebunt multitudini & magnitudini peccatorum, exacta nempe proportione, quae solet dici arithmetica.

**SOLI DEO GLORIA.**

C  
I.  
II.



35942

35912

ULB Halle

3

004 180 429




Sl.

VD 17

12





Farbkarte #13

B.I.G.



*Joh. Ludovicus Henricus Alstedius*

# SYNOPSIS THEOLOGIAE

*Exhibens*  
Oeconomiam singulorum locorum  
communium theologi-  
corum:

*Studio*  
JOHANNIS-HENRICI ALSTEDII.



HANOVIAE,  
Impensis Conradi Eyfridi,  
M DC XXVII.

*1627*

